








689/12







72



Reigles generales  
de l'Architecture, sur  
les cincq manieres d'e  
difices, alcauoir, Thuf  
cane, Doricq; Ionicq;  
Corinthe, & Cōpo  
site, avec les exemples  
danticquitez, selon la  
doctrine de Vitruue.

ANNO

1542

MERIVILLE



☞ *A Treshaulte & Tresillustre Princesse,*

DAME MARIE, ROYNE DOVAGIERE DE HVNGVE

rie, Archiducesse. &c. Regente & Gouuernante des payes de pardecha,  
son treshumble seruiteur & painstre Pierre van Aelst  
Felicite, Prosperite, & Valetude.



Amais n'eusse presume moy reputer suffisant a faire chose digne d'estre presentee a la haultesse & excellence de Vostre Maieste, n'eult este, que bien icy, que Vostre bonte naifue prendt bien en gre les petitz presentz & humbles elucubrations, lesquelles elle connoit proceder des cueurs entiers de ceulx qui les presentent. Dont est Tresillustre Princesse, qu'en ceste fiance me suis auance vous presenter ce present Liure, traduit d'Italian en François, contenant les Reigles generales d'Architecture, concordantes a la pluspart avecq les escriptz de Vitruuius : bien scauant ( tresuertueuse Princesse ) que apres voz grandes occupations, prenez volentiers le loisir de lire liures, ceulx principalement, qui rememorent choses antiques & authenticques, ce que faict ce present volume : Lequel j'ay rassamble au prouffit de ceulx, qui en leurs Edifices veullent ensuyure l'Anticquite Romaine : Car par ce pourront congnoistre toutz ordres d'Edifices, & aussi auoir elucidation des plusieurs secretz dudit Vitruuius. Lequel vous ay voulu dedyer, affin d'estre authorize entre scauantz & non scauantz, d'autant qu'il soit agreable a Vostre Maieste : Laquelle Dieu tout puissant tousiours conserue en toutte prosperite.

COR. GRAPHEVS LECTORI.

Piçtores, Statuarii, Architeçti,  
Et vos ò Latomi, ò Fabri, expetitam  
Quotquot Symmetriam probatis, eia  
Huc adeste alacres, nouum hunc laborem  
Spectare, huncce nouum videte lati  
Thesaurum, exiguoq; comparate  
AERE has diuitias, bene astimandas  
Ingenti precio : hic meridiano  
Phœbo lucidius queat videri,  
Quicquid toto opere in Vitruuiano  
Aut sit difficile, aut male explicatum,  
Aut non sufficiens, minusq; nostris  
Aptum temporibus : nihil deest iam,  
Nil iam difficile, aut tenebricosum  
In libris legitur Vitruuianis.



## L'AVCTEUR AVX LISEVRŚ.



Resbeniuolent Lecteur, i'ay bien voulu preparer aulcunes Reigles en l'Architectute, presuppasant que non seulement les engins esleuez ayant a entendre, mais ausly ceulx le puissent comprendre, qui sont de maindre ingenieusite, selon ce que iceulx seront plus ou moins a tel art incline: lesquelles Reigles sont diuisees en sept liures, ainsy comme cy desoubz sera denotez. Mais veu que la matiere le comporte, ay voulu commencer a faire ostension de cestuy quatriesme liure, lequel est le plus propitiatoire & necessaire de tous les aultres, par la congnoissance des differentes sortes des Edifices, & de leurs aornementz.

Parquoy de tout ce qu'en ce present liure trouueres agreable, n'en attribueres a moy le loz ny l'honneur, mais principalement a mon precepteur Baltazar Petrucio de Siene, lequel seulement ne fut tresdoct en ceste art, tant par theorique, que par practique, mais fut ausurplus courtois, & liberal assez, le donnant a congnoistre a ceulx quelz y ont prins delectation, & singulierement a moy, qui cecy (pour aultant que scauoir i'en puis) reconnois auoir receu de sa benignite. Et suyuant son exemple i'ay conclud de faire le mesme a tous ceulx, desquelz ie pretendz n'accepter de moy icelle doctrine en indignation. A celle fin, qu'vng chascun puisse auoir quelque congnoissance de cedit art & sciēce, n'estant moins a l'esprit delectable, considerant adce qu'on a de faire, que semblablement n'est a la veue estant mise en œuvre. Laquelle science par la vertu des renommez & excellentz ingenieulx espritz, auourd'hui est pour le present en nostre siecle fleurissant, cōme faisoit au temps de Iulius Cesar, & de Cicero la langue Latine. Accepte doncques de cuer ioyeux, & d'vng esprit gentil (si touteffois l'effect ny est) pour le moins la voluntē & desideration, que certes i'ay heue tresgrande a te satiffaire & cōplaire en cestuy traual. Et ou vous congnoistres que mes forces debilles n'ont peu susporter tant de poix & charge, priez doncques au plus robustes, que pour moy les vueillent soubstenir, & supplissent en tout ce la ou ie pourray estre trouue defaillant.

Au premier liure ie traicteray des commencemētz de Geometrie, & des diuerses interseCTIONS de lignes, entant que l'Architecte pourra rendre bon compte de tout ce quil mesura en œuvre.

Au second demonstreray par pourtraicture & parolles, tant de Perspective, que s'il veult, pourra ouuir son concept en pourtraict visible.

Au troiziesme se verra la Ichnographie, asscauoir, le plant, ou plate forme, la Orthographie, asscauoir, l'esleue du deuant, la Sciographie ou Scenographie, qui vault aultāt a dire, comme les racourcissementz de la maiEUR part des Edifices, qui sont en Rome, en Italie, & dehors, diligemment mesurees, & mises par escript les lieux ou ilz sont avec leurs noms.

Au quatriesme qui est cestuy present liure, se traictera de cinq manieres d'Edifices, & de leurs aornementz, asscauoir, Thuscane, Doricque, Ionicque, Corinthe, & Composite. Et par iceulx se enbrasse quasly l'entiere science, par la congnoissance des choses diuerses.

Au cinquesme parleray de plusieurs sortes & manieres de Temples, designez en diuerses formes, asscauoir, rondz, quarres, de six faces, de huit faces, oualz, & en croix, Auecques leurs plates formes, les droictz, & les racourcissementz diligemment mesurees.

Au sixiesme dirons de tous les habitations, que auourd'hui se peulent vser, commenceant de la plus vile maisonnette, & de degre en degre, prenant fin au plus aornez palais de Princes, tant par citez, que par villaiges.

Au septiesme & dernier, se finera plusieurs accidentz, qui peulent suruenir a l'Architecte en diuers lieux, & estranges formes de situations, & en les restaurementz ou resstitutions de maisons: & comment nous auons a faire de soy seruir d'aultres Edifices, & pareilles choses qui sont, & ont estees aultressois mises en œuvre. Or pour mieulx proceder par raisonnable maniere, donneray commencement du plus solide & moins plaissante ordre, asscauoir, de la Thuscane, qui est la plus rustique, & la plus forte & de maindre soubtilite & gracieuse.

Les Antiques dedioient les Edifices aux dieux, les commodans a iceulx selon leur nature, robuste ou delicate, comme la forme qu'on appelle Doricque aux dieux Iupiter, Mars, & au fort Hercules, prenāt sa forme de l'homme. Et la forme Ionicque, a Diane, a Apollo, & a Bacchus, prenant l'œuvre de la forme matronale, qui a part du robuste & delicat. Diane par la nature femi-




## L'AVCTEUR AVX LISEVRS.

nine est tendre, mais par l'exercice de la chasse est robuste, ainsi Apollo par sa beaulte est mol & doux, neantmoins est aussi robuste par estre homme. Le mesme dis ie de Bacchus. Mais la Corinthe prinse de la forme virginal, vouloit qu'elle fust dedee a la deesse Vesta presidente des vierges: mais en ces temps modernes, me semble de proceder par aultre maniere non desnoyât pource des Antiques. Mon intencion est, que suyuant noz vsances Chrestiennes dedieray (entant que par moy le pourra faire) les Edifices sacrez selon leurs especes, a Dieu, & a ses Sainctz: Et les Edifices profanes, tant publics cōme priuez, donneray aux hommes selon l'estat de leurs professions. Je dis doncques, que l'œuvre Thuscane (a mon aduis) est cōuenable aux fortresses, cōme seroit a portes de citez, a chasteaulx, a lieux pour cōseruer trefors, ou lieux pour tenir munitiōs & artilleries, a prisons, a portz de mer, & aultres semblables pour l'vsance de guerre. Il est vray que l'œuvre Rusticq; cest a dire, de diuers liemētz, grossement embosche de pierre, & encore aulcunes d'icelles faictes avecq; quelq; plus de mignotise pour plaisir, que n'ont heuz les Sculpteurs ou maistres ouuriers: aulcunes fois il a este melez des antiques en l'œuvre Doricque, & aultres fois en la Ionicque, & en la Corinthe. Neantmoins qu'en verite l'œuvre Thuscane est la plus rude, & moins aornee de routes les aultres, me semble, que la Rusticque se conuient mieulx & est plus conformee a la Thuscane que a aucune aultre. Lequel manifestemēt se cōprend auoir este obserue des Thuscayns, ainsi dedens en la plus grande & leurs principale cite qui est Florēce, cōme dehors par les villages: en aultantz daussy belles edifices & riches fabricques, pures & nettes faictes d'oeuvre Rusticque, qu'on en pouloit veoir au remanant de la Chrestienne, non obstant melez de telle rusticitē & delicature, qu'il a pleu aux Architectz. Et pource diray telle oeuvre estre plus cōuenable au Thuscayn que a aultres especes. Parquoy en recueillāt aulcunes des Antiques, & aulcunes aultres des nostres, demonstreray en diuerses modes de telle oeuvre, cōment se peultent faire portes de citez & de fortresses: & aussi pour lieux publics & priuez, frontz, loges, galleries, fenestres, niches, pontz, aqueductz, & aultres diuers ornēmētz, que au bon Architect pouroient escheoir. Se pourra bien aussi (nō se desnoyant de ce que ont faict les Antiques) mesler & cōmunicquer celle oeuvre Rusticque avecq; la Doricque, & encore avecq; la Ionicque, & telle fois avecq; la Corinthe, a volente de celluy qui voudra contenter sa fantasie, Lequel plustost se pouroit dire d'estre de licence que de raison, pource que l'Architect doit proceder modestemēt & de ferme entendement, principalement en l'oeuvre publique & graues, ou est a priser de garder le decore.

Iay voulu ensuyure au cōmencemēt de ce Liure les Comices ou Poetes antiques, aucun des quels voulant representer vne Comedie, enuoyerēt vng sien messagier deuant, lequel en briefues parolles donnoit notice aux regardātz de tout ce que on auoit a traicter en la Comedie. Par quoy moy ayant a traicter en ce volume des cinq manieres d'edifices, asscauoir, Thuscane, Doricque, Ionicque, Corinthe, & Composite, m'a semble que au cōmencemēt se voyent les figures de chescune espee de ce que lon a de traicter. Et bien que en les coulōmnes & en ses ornēmētz ne soyent toutes les proportions ny les mesures notees, mais seulement les principales pour regle generale: neantmoins en leurs lieux ne fauldra, que tout ne soit note plus menuemēt, mais cecy est seulement cōme iay dict, pour monstrier vne Reigle generale a vne seule veue. Et pour estre mieulx entendu de tous, ie mesray au cōmencement des ordres, les vocables de Vitruue, signe aux costez par a b c. affin, que chescun les congnoissant, leur puisse donner noms selon le vulgaire du pays & de la residence. Et pour le premier le piedestal Thuscane, ie dis le plat sans couronne ou base, sera d'vng quarre parfait. Le piedestal Doricque, sera tant plus d'vng quarre aultant qu'est a tirer vne ligne en digone d'vng anglet a laultre du quarre parfait, & la dresser sus pour le droict. Le piedestal Ionicque sera d'vng quarre & demy. Le piedestal Corinthe sera d'vng quarre & deux tiers de ce quarre. Le piedestal Composite, se fera de deux quarez parfaictz. Et ne vous esmerueillez le le Chapitre ensuyuant sera le cinquiesme, que aulcuns pouloient entendre pour le premier: car le premier Liure de Geometrie occupera vng chapitre: le second de Perspective en occupera deux: & le tiers des Antiquitez en occupera vng, que seront quatre. Et pourtant le chapitre suyuant par telle raison sera le quint.



DE CINQ MANIERES D'EDIFICES.





# De l'œuure Thuscane, & de ses ornementz.


## Chap. V.



N trouue aux escriptz de Vitruue, au Liure. iiii. Chap. vii. que la coulomme Thuscane se doit faire de sept partz en haulteur, avec la Base & Chapiteau: prenant telle mesure en la grosseur de la coulomme embas. La haulteur de la Base, soit de la moitié de la coulomme, & diuisee en deux partz, vne sera pour le Plinthe, l'autre se partira en trois, les deux partz se donneront au Thore, & la tierce partie sera pour la Cinthe, quasi comme scinture: La Proiecture ou faillie d'elle se fera en ceste maniere. Au premier soit faict vng cercle aussi large que la grosseur de la coulomme embas, & celluy mis en vng quarre, & au dehors du quarre sur les quatre angles, faict vng autre cercle, cela sera sa faillie: Et pource que toutes les autres bases ont ses plinthes quarrées, non pourtant ceste de la thuscane doit estre ronde, selon le texte de Vitruue. La haulteur du chapiteau soit comme de la base: & faict trois partz dudit chapiteau, vng sera le railloir appelle Abacus, la reste sera party en quatre, dont les trois seront donnees a l'echine, & l'autre au fillet ou cinthe, ou ainsi qu'on le veult nommer. La tierce part restant du chapiteau, soit pour la frize, appelle Hipotrachelium. Le petit bossel desoubz le chapiteau avec son fillet seront de la moitié de la frize. Mais diuise en trois, les deux seront le bossel dict Astragalus, & le tiers le fillet, & aura autant de faillie que de haulteur. Et combien quil est conioinct au chapiteau, est pourtant membre de la coulomme, laquelle coulomme a la part d'enhaut doit estre retrescie la quatre partie. L'Abacus ou railloir du chapiteau ne sera plus large que la coulomme embas. Mais la maniere de retrescir la coulomme sera ceste, que le troncq de la coulomme soit diuise en trois partz, & la tierce partie d'embas demeure a plomb, cest egal de grosseur. Et les deux tiers restantz soient diuise en tant de partz egaulx comme l'on veult, apres sur la tierce partie de la coulomme soit mene vng demy cercle, & la coulomme retrescie par dessus a chascun costé la huitiesme partie, que fera en tout la quatre, comme dict est. Du plus estroict doncques de la coulomme menera l'on deux lignes, cheant a plomb sur le demy cercle, & les deux costes du cercle seront diuise en tant de pointz equidistantz comme il ya de diuisions en les deux tiers de la coulomme: & ainsi faict, de ces pointz des deux costez, soient tire lignes au trauers, & a chascune ligne mis son nombre par ordre descendant, & pareillement mis le mesme nombre sur les lignes qui partent la coulomme, certain est que la premiere ligne du cercle s'accordera a la ligne desoubz le fillet, puis on portera la seconde ligne du cercle, sur la seconde de la coulomme. Apres soit porte la tierce du cercle, a la tierce de la coulomme. Et la quatre sur la quatre: cecy faict, soit menee vne ligne de la base du demy cercle, iusques a la quatre ligne. Et de la quatre a la tierce, & de la tierce a la seconde, & pareillement de la seconde a la premiere. Et combien que les traictz ou lignes en eulx sont droictz du costé de la coulomme, touteffois produisent vne ligne curue, de laquelle le diligent artisan, par l'œuure de main vient a neantir tous les angles, qui sont aux ioinctures des lignes. Et bien que ceste Reigle soit faicte a la coulomme Thuscane, laquelle est retrescie la quatre partie & non les autres, neantmoins pourra seruir a toute sorte de coulomme, & d'autant que les portions de la coulomme & du demy cercle seront en plus grand nombre d'autant plus iuste viendra son retrescissement.








Chapiteau.

- A. Abacus.
- B. Echine.
- C. Fillet ou Cinſte.
- D. Hipotrachelium, ou Frife.
- E. Aſtragale.
- F. Fillet ou Cinſte.
- G. Groſſeur du ſuperieur de la coulomme.

- H. Groſſeur de l'inferieur de la coulomme.
  - I. Cinſte.
  - K. Thore.
  - L. Plinthe.
- } Baſe.


- M. Proiecture ou ſail- lie de la Baſe.
- N. Groſſeur de la cou- lonne embas.
- O. Groſſeur de la cou- lonne enhault.






## DE LA THVSCANE.

**L**A Coulumne accomplie avecq sa Base & Chapiteau, sur icelle sont a asseoir l'Epistule ou Architrave, Zophore ou Frise, & Corniche. L'architrave soit de la haulteur du chapiteau: & la sexte part d'elle sera la Tenia. La Frise soit de la mesme haulteur: Et pareillement la Corniche avec ses membres: & que d'elle soit faicte quatre pars, l'une sera pour l'Eschine en lieu de Cimaïse: & les deux pour la Couronne. Et la part restant d'onneray on a la Fascie en lieu de cimaïse desoubz icelle couronne. La Saillie du tout soit pour le moins comme sa haulteur. Et au fons de la couronne conuient a faire aucuns canelez, maieurs ou mineurs, selon l'opportunitè de l'œuvre, & au vouloir de l'architecte. Mais par estre ceste œuvre moult ferme & simple de membres, pourra bien a mon semblant l'Architecte prendre licence d'y joindre aucuns membres ressemblant telle espee d'œuvre. Et cecy se fera quant lon voudra decorer & enrichir ledict œuvre: ainsi qu'on voit icy desoubz apart. Je loue encoire icelles couronnes qui ont plus de faillie que son quarrè, entendu que les pierres soient aptes a soy soubstenir es edifices: Lesquelles faillies prestent commodite & aornement: La cōmodite est, sil ya ambulations dessus icelles, de tant plus sera spacieuse, & aussi conseruera l'œuvre des eaux. L'aornement, par ce que ha la debite distance, l'œuvre semblera a la veue de plus grande satisfaction.







**B** IEN est vray, que iay dict cy dessus, que la Coulombe Thuscane, quant au texte de Vitruue, doit estre de sept diametres avec sa Base & Chapiteau. laquelle proportion & forme est certainemēt bonne & esprouuee. Nonobstant par ce que les plus antiquies coulombes furent faictes de six partz, prenant ceste mesure du pied de l'homme, estant (selon Vitruue) la sixte part de luy. Et pource que les coulombes Doriques seront de sept pars, veu que les Antiques pour luy donner plus d'esleuemēt, luy ont adioustē vne part: se me semble, que par telle auctorite, & par estre ceste coulombe de plus robuste façon, qu'il se doit faire en soy plus basse q̄ la Dorique. Parquoy, a mon aduis, se fera de six pars avecques la Base & chapiteau: & tout soit pour Reigle generale, obseruant le remanēt des mesures qu'auōs dict en la coulombe passeē & en ses aornemētz. Et pour tant que Vitruue, ne aultre Architect, pour aultant que l'en ay veu, n'ont iamais donnez aucunes Reigles des Stilobates, dict Piedestalz, aussy que aux Antiquites, aultant qu'on en peut veoir, cestes, telles choses furent faictes des Architectz selon leurs accidentz & besoignes, ou par exaltation des coulombes, ou par ascensions aux galeries avecques leurs degrez, ou par aultres leurs acompaignementz. Veue doncques que ne sommes contrainctz de necessite, iugeroie qu'on donna a chascune sorte de coulombe son accomode piedestal, avec aucunes raisons probatiues. Manifeste chose est, que le piedestal veult estre au moins quarrez, l'entens du plat sans Base ny Cime. Estantz doncques la coulombe Thuscane la plus ferme de toutz les aultres, sera son piedestal d'ung quarre pfaict, le front duquel doit estre aultant large que le Plinthe de la Base de la coulombe. Et la haulteur soit diuisee en quatre pars, & se adioustera vne telle part pour le plinthe d'embas, & encoire vne pour la Cime. Lesquelz membres soient sans aucunes entailles. Et ainsi estant la Coulombe de six partz, le Piedestal sera en soy de six partz proportionne a la Coulombe.

B





## DE LA THYSCANE.

**I** Ay promis en ce present volume, de traicter seulement des aornementz & des differentes fortes des Edifices, parquoy ie ne parleray a l'heure, de quelle maniere se doibuent planter les portes des citez & des fortresses avecques les flans & canonnières, & leurs aultres circonstances pour deffence : laissant telle charge aux Architectes de guerre, selon les lieux & accidetz qui surviennent. Mais ie diray bien, apres l'assiet de la porte ou forteresse, la maniere comment elle doit estre aornee, par mon aduis, en demonstrent aulcunes figures. Toutte porte de cite ha besoing de poternes : mais pour garder la simmetrie, c'est a dire, correspondance proportionnee, est besoing d'ensuyure par ceste maniere, que aultant que sera la latitude ou largeur de l'ouuerure de la porte, soit adioustee la moitié d'icelle a sa haulteur. La largeur soit diuisee en six pars & vng sera le pilastre du dextre & senestre costé. Le front des pilliers soit la tierce partie de la largeur de la porte : & soit la haulteur de cinq partz, avec les Bases & chapiteaulx. La haulteur des Bases soit de la tierce partie du pilier, & ainly les chapiteaulx, obseruat touteffois la Reigle deuant donnee. L'architrave, Frise, & Corniche, soient ensemble en haulteur d'vne largeur des piliers, ausy ensuyuant la predite Reigle. Entre l'vng des piliers a l'autre sera la poterne, & la largeur sera comme le front du pilier : & la haulteur soit dupliee a la largeur. Ses pilastres des costez seront la tierce partie de la mesme poterne. L'elevation sur la porte sera a l'arbitre & vou lente de l'Architecte. Mais la proportion du fastige ou frontispice, monstirerons en deux fortes en l'ordre Dorique.





**E**T pource que l'Architecte doit estre copieux d'inuentions, pour satisfaire a soy & aux autres, l'on pourra encoire en ceste aultre maniere aorner la porte d'une cite ou fortresse, garnant ceste reigle, Que aultant sera large l'ouuerture d'icelle porte, soit sa haulteur vne sexquialtera, c'est a dire, deux partz en largeur, & trois en haulteur. Les Pilastres soient la huitiesme partie de la largeur de la porte. Et la coulomme soit la quarte part d'icelle porte. Mais par estre la coulomme la tierce partie enmuree, avecques les aultres pierres, mise plus pour aornement, que pour soubstenemēt, elle se fera de sept partz en haulteur. Et aussy se comporteroit de huit en tel cas quant l'Architecte voudroit faire la porte plus gracile. L'ouerture des poternes de coste sera de la moitie de la principale porte : & ses Pilastres ainfy que celles de la grande : & sa haulteur sera que la fascie qui soubstient l'arc, soit son supercile ou architraue. Et l'on ne trouue pierre d'une piece pour telle besoigne, soient faictz les penantz ainfy que le desseing le demonstre. Et ainfy la proportion de ces petites poternes sera de Supbpartiēns tertias, cela est, trois partz en largeur & cinq en haulteur. Les penantz de l'arc seront quinze. Aux Bases, Chapiteaulx, Architraue, Frise, & Corniche, soit obseruee la Reigle deuant donnee. Pareillement l'elevation du millieu sera au vouloir de l'Architecte, ainfy que des aultres est mentionne. Et telles œures tant plus grossement seront emboche, tant myeulx garderont le decore de la fortresse.




B.ii.




## DE LA THVSCANE.

**E**N aultre mode plus simple, & aussy plus forte se pourra faire la porte d'une cite, ou chasteau, obseruant le dessein ou pourtrait cy dessoubz note. Et la proportion soit aultant en largeur d'ouerture que la haulteur fine dessoubz la fascie, qui soubstient la voulture. Et la haulteur soit de la fascie en dessus d'vng demy cercle. Mais tousiours est en la voulente de l'Architecte, de plus ou moins selon le besoyn, & principalement quant il est contrainct de quelque accident. & ainsy aux deux costez les moindres portelettes sont de faire come i'ay dict des aultres. leur largeur soit de la moitie de la porte du mirant. Et aultant de massif soit laisse entre la grande & deux petites. La haulteur desquelles soit doublee a la largeur. Et ainsy la fascie qui soubstient l'arc, sera encoire soubstenement aux penantz de ces poternes. Et encoire se pourroit faire que la fascie fusse le mesme supercille ou architraue d'icelles. Laquelle ainsy que dict est, se peut faire maieur ou mineur, ainsy que bon semblera a l'Architecte, non desnoyant par ce de la forme donnee.






**L**A diuersite des inuentions faiët aucunesfois prendre partie a l'Architect des choses desquelles il n'a paraduventure iamais heu en penlee. Parquoy la figure ensuyuante prestera grande commodite & vtilite aux Edifices, selon les accidentz que pourront escheoir a l'Architect, ainly que seroit au mur d'une fortresse, combien que les murs fussent de bonne grosseur, faisant ceste œuvre par dedens. Premier fera seruice de loge pour estre au couuert, & fera plus large ambulation dessus, cōmode a la deffence & au temps d'une batterie, pour plus d'asseurace l'on pourroit remplir toutes les arcures de terre. Pourroit aussi aucunesfois escheoir a l'Architect de bastir pres d'une montaigne, la ou pour se asseuer de ladicte montaigne, qui par les eaux qui continuellement des pluyes descendent, conduisent encoire le terreyn embas. Parquoy est besoing, d'appuyer a vng tel mont de semblables edifices, par lesquelles non seulement l'on fera asseuer de tel suspect, mais fera grant aornement a sa fabricque. Et de pareille inuention se acōmodoit Raphael Durbin a Monte Mario vng peu dela Rome a la vigne de Clemēt le. vii. de luy commence au Cardinalat de Ieronimo Genga. & al colle Imperiale hors de Pesero vng peu distant a vne tresbelle edifice pour cōmodite de son patron de telle inuention s'en est seruy pour soubstenemēt d'une deffence d'eaux, pour appuye contre vng mont, mais faiët de brique moult delicat.





## DE LA THVSCANE.

**L**ES Antiques ont vsez de diuerſes manieres de lyementz en ceste œuvre Rustique, si comme cy desoubz est demonstre. De laquelle inuention l'Architecte se pourra accommoder a diuerſes choses, selon les accidentz qui suruiennent. Sa mesure sera, que l'ouuerture soit d'vng quarre parfait. Le massif (asscauoir du mur) entre l'ouuerture de l'vne & de l'autre, soit la quarte partie moindre d'icelle. Le Supercile ou Architrabe soit de la quarte partie de ladicte ouuerture, Et soit faict de penantz qui courent sur le centre en nombre inegal. Et sur icelluy Supercile soit mene vng demy cercle, party en neuf egales portions : les lignes aussy tirees sur le centre. Les penantz ainſy forme, avec les trois pieces mises entre deux, & la fascie dessus, sera vne œuvre tressorte & perpetuelle. Mais a celle fin que les penantz du supercille ou architrabe se tiennent plus ferme, sera besoing de remplir le demy cercle de briques ou pierres cuytes. Aussi pour plus grant aornement les peult on croiser, comme les Antiques du temps passe ont vse. Si cōme on trouue encoire a present en Rome a saint Cosme & Damien, pour l'heure encoire tressorte, combien toutefois que des plus antiques soient.



**D**E ceste porte l'ingenieux Architecte se pourra seruir en diuerses places, comme dict est au commencement. Mais non pas a portes de fortresses, par ce que l'entree d'icelle ne seroit propice a manier artillerie, ny a aucunes ytenfilles de guerre. Neantmoins par dehors peult elle seruir a quelq̃ porte. De laquelle sera la proportion telle, que l'ouuerture ou iour, sera deux fois ausy hault que la largeur d'icelle. Les Penantz du demy cercle seront en nombre de .ix. Et toutes les lignes soient tirees sur le centre du cercle. La Fascie soubstenant l'arcure, soit de la septiesme part de la porte. Et depuis icelle fascie embas iusques au pauement sera party en sept partz & demy, & se feront six gisseez de pierres: les trois d'icelles se partiront chascune en vne part & demy, & les trois aultres chascune d'vne part. Et ainsy seront distribue les .vii. partz & demy. La haulteur du Penant estant au mytan, soit la moitie de la largeur de la porte. La Fascie dessus les penantz soit de la haulteur du pied dudiect penant. Neantmoins le penant du miellieu, & ausy le pied d'icelluy sera la quatriesme part maieur que les aultres.






## DE LA THVSCANE.

**L**A porte sequente pourra aussi seruir a tous les edifices cy deuant mentionnez . Et principalement aux moitresses, & aultres semblables estantz sur les champs . Côme en plusieurs lieux d'Italie encoire a present on en voit . De laquelle la proportion sera telle, que la largeur de l'ouuerture (ou du iour, ainsi que l'on le veult nommer) soit doublee iusques en desoubz l'arcure d'icelle . Les Pilastres venantz aux deux costez de l'euuerture , seront chascun de la largeur de la dicte ouuerture la cinquiemesme part . Pareillement de telle mesure sera l'arcure . Le grant Pillier sera encoire vne fois aussi large que le dict Pilastre : & la haulteur de six largeurs d'icelluy. La Bale soit en haulteur de la quatriemesme partie de la largeur du dict Pillier : & le Chapiteau la tierce partie. La Fascie qui sert au lieu de l'Epistile, ou Architrabe, soit de la haulteur du Chapiteau. Pareillement la Frise, & la Corniche. Mais des particuliers membres, côme des Bases, Chapiteaulx, & Corniches, on obseruera la deuant dicte ordre. L'Imposte qui soubstient l'arcure, soit de la haulteur du Chapiteau, party en la mesme mesure. Le partage ou mesure des Penantz deuant dictez, & aultres pierres, se pourront legierement trouuer au compas.

Et si l'on veult mesurer le Frontispice dessus, pour  
plus grant enrichissement, l'on en verra cy  
apres en l'ordre Doricque  
de deux sortes.









## DE LA THVSCANE.

**C**ombien que la porte cy desoubz pourtraicte soit fort differente des aultres manieres, neantmoins pource que c'est vng œuvre d'uyfable a l'ordre Thuscane, & qu'elle est anticque, a mon aduis l'ay bien voulu mesurer cy desoubz en figure. Laquelle par cy deuant souloit estre en Rome en Capo de la militia trayana, combien que a present pour les ruynes du temps passé l'on ne la voit. Les deux Poternes estantz de costez, sont hors leurs places, desquelles l'expert Architecte se pourra servir en les mesant en leurs lieux conuenables. Des mesures & proportions d'icelles, par les Reigles cy deuant donnees, pourra L'architecte facillemēt paruenir a son intention. Et de la porte ne donneray aucune mesure, car telle est legiere a trouuer.



Ceste aultre sorte de porte, est couuerte de la sixiesme part du cercle: & est oeuvre trefforte. Nonobstant les penantz ne se peulrent acompaigner auecques aultres liemens de pierres. Parquoy vueillant faire telle oeuvre, se tiendroir bien en vng mur de bricques. Et quant a sa proportion, ne me la veulx estendre plus auant, adcause, que cest chose facile a trouuer sa mesure par maneyment du compas, & les Nichetz mis au costez pour emplir le champ, l'Architect les pourra poser a son plaisir, la ou myeux a propos elles duyront. Non pas que iceulx Nichetz seruent seulement a telle oeuvre, mais ausly pour fenestres. Neantmoins si se trouue que lesdictz nichetz y conuiennent estre, pour dedens poser aulcunes figures ou statues esleuees, tousiours sera chose agreable & plaisante, que la haulteur passe la double proportion, affin que quant l'on posera aulcunes figures dedens, myeux soient correspondentz. Laquelle chose se reserve tousiours au iugement de l'Architect.



Ciii.



## DE LA THVSCANE.

**I**L a pleu & a este chose agreable parcy deuant aux vielz & antiques Romains, de mesler avecque le Rusticque non seulement le Doricque, mais ausly le Ionicque, & d'auantaige le Corinth. Parquoy ne sera aulcune erreur, si d'vne maniere l'on fait aulcune meslee, representant en vne partie l'œuure de nature, & vne aultre partie l'œuure d'artifice. Par ce que les coulomnes meslees avecques pierres Rustiques, & ausly l'Architrabe & Frize corrumpees par les penantz, signifient œuure naturelle. Mais les Chapiteaux & vne partie des coulomnes, ausly la Corniche, avec ce le Frontispice demonstrent œuure de mains. Lequel entremect & meslee, me semble a mon aduis estre fort plaissant a la veue, & represente en soy mesmes grosse force. A ceste cause iugeroye la estre myeulx duiſable a fortresses que aultrepart. Neantmoins en qu'elle place que vng edifice Rusticque sera mise, tousiours viendra bien a point. Et en telle entremeslee a heu Iulius Romanus plus grande delectation que nulz aultres. Ainsy que Rome tesmoingne en plusieurs lieux, & ausly Mantua, & la dehors au beau palais appelle, el Te: vng vray exemple en nostre temps d'Architecture, & de Peinture. La mesure de ceste porte est ainsy a faire, que la largeur de l'ouuerture soit de double proportion. C'est que la haulteur iusques desoubz l'arcure soit de deux largeurs. Le pilastre sera de la septiesme partie de la largeur de l'ouuerture. Et la coulomme deux fois ausly grosse que le pilastre, sa haulteur avec le chapiteau sera de huit parties. Le Chapiteau, Architrabe, Frise, & Corniche sera fait comme il est dict au commencement, ainsy sera ausly monstre le fastigie, frontispice, pignon ou comble au

Doricque, comme il est mentionne. Le demy cercle de l'arcure sera party en vnze, pour les penantz, mais la noix fermant l'arcure sera vng petit plus grosse, & sil plaist a

l'Architect, il la peult faire plus sortir que les penantz. La fascie qui soub-

stient l'arcure, sera d'vne demy coulomme d'espeſſeur, & de depuis la

embas l'on partira en neuf, desquelles partz seront deux pour la

plus basse part de la coulomme, & les aultres septz parties

egalement seront les pierres qui lieront & trauerse-

ront la coulomme. Et plus rudement sera ceste

ouuraige embosche (neantmoins artificia-

lement) tant plus gaillard se mon-

strera cest ordre. Principa-


lement les pierres qui

iceident la coulom-

ne, & ausly les

penantz.









## DE LA THVSCANE.

**C**E n'est pas assez que l'œuvre soit de bonne fortitude, mais conuient aussi estre agreable a loeil, & d'ingenieux artifice. Parquoy ceste maniere de liement de pierres n'est seulemēt tressort, mais aussi ingenieux & agreable aux regardans. de laquelle inuention l'Architecte se pourra seruir en plusieurs choses. Sa proportiō sera telle, q̄ la haulteur de l'ouuerture soit d'une largeur & demye. Le demy cercle soit party en neuf & vng quart. Pource que la noix du milieu sera la quatriesme partie plus large que les aultres. La haulteur d'icelle noix ou pierre du milieu soit de la moitie de l'ouuerture. La platte fascie soubstenant l'arcure, aura la septiesme partie de ladicte ouuerture. Et depuis la fascie embas sera faict sept partz. La fascie dessus les penantz sera aussi large comme la noix ou pierre du milieu est au desoubz. Laquelle on peult faire pendre desoubz la .viii. partie de sa largeur. Et quant aux ligatures tant des aultres pierres comme des penantz, apertement le voit on en la figure.




**E**T pource que les commoditez sont conuerties en aornemētz, & aucunesfois l'aornement ou enrichissement excède la necessite pour demonstrier l'art & aussy la richesse de ceulx qui prengnent plaisir a fabricquer. Parquoy ceste inuention est faicte pour aysement, pour fortresse, & pour enrichissement: pour aysement, adcause de l'ouuerture d'iceulx: pour fortresse, au regard que entred'eux ya beaucoup de massifz ou mures, & bien lye: pour decor, par ce d'estre riches d'aornement. De laquelle inuention (comme dict est) L'architecte se pourra ayder en diuerses ouuraiges. La proportion d'icelle fera, que le solide ou massif soit aussy large que l'ouuerture: laquelle ouuerture sera mise deux fois pour la haulteur. Les Pilastres seront de la huitiesme partie de l'ouuerture: & les coulomnes la quatriesme part. Les entrecoulomnes (c'est a dire) l'entred'eux des deux coulomnes, soit vne coulomme de largeur. La haulteur desditz coulomnes avecq Base & Chapiteaulx soit de huit partz. En l'architrabe, frise, cornice, base, & chapiteaulx soit obseruee la Reigle prediſte. Les Penantz & aultres ligatures voit on en la figure. Et combien que les coulomnes excèdent encoire deux parties plus que la deuant diſte Reigle donnee, neantmoins par estre si pres l'une de l'autre, & aussy en partie dedens le mur maſsonnees, mise plus pour enrichissement que pour force ou soubſiement de l'œuure. Parquoy en tel cas se peult comporter par l'auctorite de plusieurs œuures antiques.






# DE LA THYSCANE.

**T** Resbelle chose est a l'Architect d'estre habondant d'inuentions, pour la diuersite des accidetz qui suruiengnēt a l'edificateur. Car souuentefois l'on trouue bon nombre de coulomnes, mais si bas ou courtes, qu'elles ne duyroient nullement adce qu'on auroit de besoing, si ce n'est, que l'Architect trouue moyen dicelles soy seruir. Et pource si la coulomme n'est si haulte qu'elle puisse estendre iusques desoubz la fascie, qui couche rasibū du planchier de ceste loge, l'on pourra par ceste maniere de penantz monter a raisonnable haulteur. Pourtant, endementiers qu'il ya du dextre & senestre coste bon contrefortz & appuy, quant au poix ou pesanteur de dessus sera tressfort. Mais pour voulsir sans lyer avec fers on verges de cuyure, ne seroit chose feure. Moins de doubte seroit, si la loge n'estoit non plus large qu'on la puist couurir de pierre d'une piece, ou pareillement d'y pourueoir avecques bon sommiers, &c. La proportion de ceste oeuvre sera, que la largeur de l'arcure, contiendra l'espace de quatre grosseurs de coulomme. Et la haulteur deux fois aultant. Les moindres espaces ou entre coulomnes seront de trois grosseurs de coulomme, & la haulteur de six coulomnes. Parainfy viendra chascune largeur deux fois plushaulte que large. Et les coulomnes soubstenantz grosse charge seront de la mesure prediecte. La reste voit on tresclerement en la figure. Et quant au bases & chapiteaux est du tout dict par la premiere coulomme.




C Ombien que cestę arcure est tressorte, adcause de la concordance des liementz, il est avec ce ingenieux & tresplaisant a loel : laquelle inuention ne seruira seulement a loges ou galleries de telle oeuvre, mais aussy a pontz de riuieres & torrentz : pareillement pour conduyre eaux d'une montaigne a aultre. La proportion est, que la largeur d'un Pilastre a aultre soit aussy la haulteur iusques defoubz la fascie qui soubstient l'arcure. La fascie soit la septiesme partie de ladicte largeur. Et depuis la fascie embas fera party en six. Le demy cercle soit party en neuf & vng quart. Car la noix fermant l'arcure, est la quatriesme partie plusgrande que les aultres, La reste trouue l'on au compas.






## DE LA THVSCANE.

**I**L pourroit aulcunes fois escheoir, que en vng gros mur conuiendroit auoir pour besoing & commodite de l'edifice plusieurs treuz ou ouuvertures, la ou ceste œuvre pour supporter toutes pesanteurs se trouueroit trefforte. Et si n'estoit besoing de tant d'ouuvertures, on peut les aulcunes remplir de pierres cuyttes ou briques. Laquelle proportion sera, que l'espace de l'ouuerture ou iour, & du malfis, seront d'une egale largeur, & deux fois ausly hault que large. Combien que telles choses sont a multiplier & diminuer selon le bon vouloir de Larchitecte. Et semblables ceures voit on encore a present en Rome, non seulement fort vielles & antiques, mais ausly encore treffortz pour le iourdhy. L'exemple de ceste est a Saint Cosme & Damien.




**L**ON dict, que le veoir faict souuenir. Parquoy souuentefois est faict, ce qu'on ne feroit point, si on ne l'eust veu nullepart. Ainsi suruient, qu'en vng iardin ou aultre place l'on trouue aulcun pand de mur, auquel ny aura huys ou fenestre, toutelfois aura besoing d'estre enrichy en ceste rude maniere: & de telle oeuvre Rustique l'expert Architect se pourra seruir avec ceste inuention: Auelz lieux se pourront mettre statues & aultres relicques d'antiquite, de la proportion & de ses mesures ne feray point de mention, car se fera a la voulente de l'Architect, iceulx haulser & rabaissier, selon les accidens qui peulrent suruenir.






## DE LA THVSCANE.

**E**T pource que la pluspart des Supercilles ou Architrabes, ainsi que nommer les voulons, qui sont mises sur portes ou autres bouticles, par la distance (si la pierre n'est de bonne grosseur) ne peuvent icelles resister a la pesanteur; parquoy au temps aduenir viennent a rompre, comme l'on aperceoit en trespluseurs places. Par ce l'on pourra nonobstant la grande distance (entendu aussi que les espauls des costez soient fortes) faire tel ouuraige de pieces: ainsi comme icy desoubz est pourtraict en deux manieres, lequel sans faulte nulle sera trefort; Et tant plus sera la charge de dessus grande, tant plus sera de longue duree.



**C**ombien que aux Liures de Vitruue n'ya nulle notice, en quelle maniere les Antiques v-  
 soient en palais & lieux notables, des feuz a chauffer. Lon ne trouue ausly aux Edifices an-  
 tiques aucunes apparences de cheminees, qui donnent yssue de fumee. Ny ausly oncques n'ay  
 sceu de nulz Architectz pouoir entendre l'occasion d'icelles. Neantmoins par ce que de plus-  
 ieurs annees de cha l'on ha acoustume non seulement de faire feuz en sales & chambres, pour  
 aysement & soulaige des personnes, mais ausly de faire en telles places diuerses aornementz.  
 Considerant doncques que traicter ie veulx en ce volume de tous les aornemētz, que a l'Arch-  
 tect & a la fabricque pourroient escheoir, ne fera ausly delaisse de demonstrier aucunes formes  
 de cheminees ou astres, ainsi que appeller les voulons. Lesquelles s'accordent avec la maniere  
 Thuscane, qant besoing en telle Edifice on en aura, l'une est delicate fortant du mur, l'autre  
 d'œuure Rustique comprins en l'espeffeur du mur.






## DE LA THVSCANE.


Les premiers oeuvres rustiques furent faictes en ceste maniere, sicomme de pieces de pierres rudement esboches, mais leurs assemblaiges sont faictes a diligence.




Puis apres ilz ont auecques plusgrande amyablete, partys les pierres avec le plat qui les diuisent, Et puis apres pour plusgrand enrichissement ont faict les croisures par dessus trauersant. Autres Architectes y vœillant adiouster diamantz labours, ont faict avec plusgrande necessity en maniere telle.



Et ainly de siecle en siecle est suruenü tousiours rechangeement, que pour diamantz l'on ha pose tables plattes, & aussy plus de relieue, sicomme cy desoubz on apperçoit.



Aulcuns aultres Architectes ont voulu vsfer de plusgrande specialite & partissement plus rassis & ordonne: Neantmoins telle ceuvre ha son origine ou fortissement de la Rustique, Laquelle encore communement poincte de diamantz lon appelle.




¶ Cy fine la maniere Thuscane, & commence l'ordre de la Dorique.

# De la maniere de l'ordre Doricque,

AVECQVES SES AORNEMENTS. CHAP. VI.




Elon les antiques, qui ont confiderez les estatx des Dieux, & ordonnerent la doricque a Iupiter, Mars, Hercules, & aultres dieux robustes (ainsi qu'aues oy) nous vueillans a Christ, Paul, Pierre, George, ou aultres Sainctz pareilles, aulcun temple d'edifier, qui n'ont seulement heu profession de souldartz, mais sont virilz & fortz demostrez en leurs vies, estandant icelles pour la foy en IESV Christ: a telz appartient l'oeuvre Doricque. Et non seulement aux dieux, mais aultz a gens d'armes & de force, soient grandz plonnaiges, moyens, ou petit: quelles edifices qu'on leur faisse, appartient ceste maniere Doricque. Et tant plus est le personnage robuste, d'autant luy appartient oeuvre plus ferme: tant plus est icelluy aussi delicat, d'autant plus fera on l'oeuvre amiable, ainsi que en sa place nous dirons. Venons doncques de rechief aux oeuvres particulaires & leurs proportions. De ceste Doricque traicte Vitruue au quatriesme Liure, Chap. iii. mais de la Base de la coulomme ha il traicte au troiziesme liure: combien que l'opinion d'aulcuns est, que se deburoit estre la Base de Corinthe, veu que beaucoup lon en ha vie a la coulomme Corinthe & Ionicque. Pareillement semble aussi aulcuns, que la coulomme Doricque n'auoit point de Base, ayant regard a plusieurs edifices, sicome au Theatre de Marcello en Rome, vne de plus belle edifice, & du milieu embas Doricque. Lesquelles coulomm. n'ont nulz bases, mais finon le troncq reposant sur vng degre sans aultre membre. Il ya encore, al Carcer Tulliano, les enseignes d'vng temple doricque, duquel les coulomm. sont sans bases. Lon voit aussi a Verone vng Arcq triuphal d'oeuvre doricque, auquel pareillement les coulomm. sont sans bases. Neantmoins pource que les antiques ont faict les bases Corinthiens en aultre maniere, ainsi q'en son lieu ie demonstreray, ie dis la base Atticque de Vitru. au. iii. liure, estre doricque. Et cecy voit on Bramât architecte auoir obserue en sa fabricque p luy faicte en Rome. Lequel Bramât ayant este la lumiere & inuenteur de la bonne & vraye architecture, laquelle d'antiques anal iusques en son temps, soubz Julio. ii. P. M. auoit estee ensepue, doit on donner plane foy. La base doricque doncq's sera haulte vne demy grosseur de coulomme, & le plinte la tierce partie de sa haulteur. de la reste soient fusties quatre parties, vne sera pour le thore d'enhaut, les aultres trois soient en deux egales parties diuise. Lune pour le thore d'embas, & l'autre donnera on au trochille ou scotie. Mais icelluy party en sept, lune sera pour le fillet superieur, & l'autre pour l'inférieur. La proiecture ou faille de la base soit de la moitié de sa haulteur, & par ainsi sera le plinte sur chascune fascie vne grosseur & demye de coulomme. Et si la base est en desoubz la veue, le fillet estant soubz le thore superieur occupe dicelluy appartient estre vng peu plus grand que l'autre. Mais si le base est par dessus la veue, le fillet du thore inférieur semblablement aueugle dicelluy sera plus grand q l'autre. Au cas pareille la Scotie occupee du thore p telle cause la fera on plus grande que la mesure donnee, & en telz accidetz doit l'architecte aduiser deuant luy. Par quoy Vitru. delire, q les estudiâs en ses liures, soient instruits en mathematique.







# DE LA DORICQVE.



ET pource que Vitruue ha distribue ceste ordre Doricque en modelles, faisant la Coulonne de deux modelles en grosseur, & sa haulteur avec la Base & chapiteau de quatorze modelles. Ainly vient la Base doncques en haulteur vne modelle. Le tronc de la coulonne sera de douze modelles, & le chapiteau d'une, que seront en tout quatorze. La haulteur du chapiteau sera party en trois, desquelles l'une sera pour le Plinthe, appelle de Vitruue Abacus: auquel s'entend la Cimatie: l'autre partie pour l'echine avec les anneaulx: la tierce soit donnee a l'hippotrachelie ou frize, Laquelle soit de grosseur la sixiesme part moindre que la coulonne embas. La largeur du chapiteau en la superieure partie soit a chascune fascie deux modelles, & la sixiesme part d'ung model. Et cecy est selon le texte de Vitruue. Combien que ie me donne a entendre, que le texte est corrompu a la proiecture, laquelle en effect correspoint trespourement au regard de ce qu'on voit aux antiques. Et pource apres ce chapiteau en feray vng aultre a mon opinion, avecques ses particuliers mesures plus amplement dechiffre, veu que Vitruue les passe en brief. Quant doncques le chapiteau estant diuise en trois, ainly que dict est, ie diroye que le Plinthe ou Abacus se doibt ausly partur en trois. Vne part pour la Cimatie, avec sa Reigle ou fillet: & icelle cimatie diuisee en trois, l'une diuision sera pour le fillet, & les deux aultres pour la predite Cimatie. L'echine soit pareillemēt partie en trois, les deux tiers soient pour l'echine, & la reste pour les anneaulx ou filletz, les distribuant ausly en trois, donnant a chascun vne part. L'hippotrachelie ou frize soit comme cy deuant est mentionne. La faillie de chascung membre soit semblable a sa haulteur. Ainly faisant par Raisonnable preuue sera fait & plaissant aux yeulx des regardans.



DEssus les Chapiteaulx assied on Lepistilie ou Architrabe, duquel la haulteur sera d'une Mo-  
delle, & icelle diuisee en sept, l'une sera pour la Tenia. Les guttes avecques leurs fillet, de-  
soubz la Tenia (appelle de Vitruue subtenia) soient la sixiesme part d'une Modelle. Laquelle haulteur partie en quatre, les trois porties seront les Guttes, & l'autre pour le fillet. Les guttes soient en nombre de ix pendâr soubz les Triglyphes. La haulteur diceulx Triglyphes soit vne modelle & demye, & en largeur vne modelle: laquelle largeur diuisee en douze, a chascun coste laissera on vng demy pour les demys canelitz: & des dix partz restantes, baillera on les six pour le plat des triglyphes, & quatre pour les canelitz ou caueures du millieu. De lung Triglyph a l'autre sera l'espace d'une modelle & demye, laquelle espace viendra en egale carreure, & sont nommez de Vitruue Nethope. Esquelles espaces quant pour plus grand aornement on les veult enrichir, on y taillera testes de beufz, avec platz, ou escuelles, & non sans signification. Car les Antiques vueillant faire Sacrifices de Thoreaux, adce vsoient ausy de platz ou escuelles, & posèrent doncques telles choses pour enrichissement a l'entour de leurs temples. Sur les Triglyphes met on leurs Chapiteaulx. La haulteur diceulx soit de la sixiesme part d'une modelle. Dessus les Triglyphes ou Chapiteaulx, assied on la Coronne avec les deux Cimaïses, l'une dessus & l'autre desoubz, & le tout party en cinq portions, les trois seront pour la Coronne, & les deux autres pour les Cimaïses. Mais la haulteur de tout soit d'une demye modelle. Dessus la Corone pose on la Scime: la haulteur de laquelle sera d'une demye modelle, adioustant encore la huitiesme partie pour son fillet de hault. La Proiecture ou saillie de la corone soit de trois pars, les deux d'une modelle. Et au fond de la Corone droitement dessus les Triglyphes, sont les Guttes assises par ordre, ainsi que veoir le pouez pendant au coste de la figure ou lettres a b c d. Et ausy entre lesdictz Triglyphes taillent on Fulmines, ou l'on peult laisser la place vuyde. La Proiecture de la Scime soit semblable a sa haulteur. Et ainsi aura chascune partie, reserve la Coronne, laquelle ayant plus grande proiecture ou saillie que les autres membres, moyennât que les pierres le puissent supporter, se demonstrera de meilleure grauite. Et cecy voit on les vielz Romains auoir obserue. Ainsi qu'en son lieu donneray aulcune notice par Figures & mesures.






# DE LA DORICQVE.




**S**il la Coulône sera striee ou canalee, iceulx serôt en nombre de vingt: en forte cauez que de l'ig costé a l'autre de l'espace des stries ou gueulles sera tire vne ligne droiste, laquelle sera le costé dung quadrat: & ledict quadrat acomply, assioira on au centre dicelluy la poincte du cōpas, & avec l'autre poincte l'on touchera lung & l'autre anglet: & circuyant fera sa iuste caueure. Laquelle sera la quatriesme partie dung cercle. Ainsy que cy desoubz est demonstre.

Et si pour exaltation des Coulônes ou pour autres choses besoing estoit, de Stilobate ou Piedestal, nō ayant a obeyr a aulcū chose de plus grande ou de moindre haulteur, & ainsy sera le costé de ce Stilobate semblable au Plinthe de la Base de la Coulomme, & la haulteur (asscauoir du plain) soit q̄ de sa largeur faict vng quarre parfait, & de lung des boutz a l'autre tiree vne ligne en Diagone, & aultant que ledict Diagone tient en longueur, aultāt sera la haulteur dicelluy plat, lequel diuise en cinq parties, lune desquelles mètra on dessus ledict plat pour la Cimatic, & encor vne pour la Base, & ainsy sera le Piedestal de sept pars pareil a la coulomme. Et combien que ceste presente proiecture du Chapiteau oultre passe la reigle de Vitruue, ad cause quelle est perpendiculaire avec le Plinthe de la Base, Neantmoins pource que i'en ay veu en daultcū Antiques, & ausly faict de telle sorte mētre en oeuvre: ma semble q̄ icy les vouloie mētre a la cōplacence de ceulx qui vser en veullent. Nonobstāt que les Vitruuiēs (nō ayant hante ny maniez les Antiques) nyerôt ceste opiniō. Mais sil vueillent auoir regard a l'Abacus du Corinthe, duquel la proiecture est egalement faillant comme le Plinthe de la Base, ne depri seront si tost telle proiecture.




ET pource que ie trouue grosse differēce entre les escriptures de Vitruue & les choses de Rome & aultres places d'Italie, ay voulu demōstrer aulcūes parties desq̄lles encore lon voit en œuvre. Cō bien q̄lles sont sans mesures, neantmoins sont proportionēes apres les grādz, & avec diligēce mises en petit. Le chapiteau R. fut trouue hors Rome a vng pont du Tybre. Le chapiteau V. est en Verone sur vng arc triūphal. Le chapiteau T est en Rome a vng temple doricq̄ au carcer Tulliano. Le chap. P. fut trouue a Pefaro avec plusieurs aultres louables anticq̄s. La proiecture duquel cōbien quelle soit grande, touttefois est plaisante aux regardantz. Le basemēt, la base, & le chapiteau A, sont en Rome al foro boario. La corniche, le chapiteau & l'imposte dung arcq B, sont au Theatre de Marcello. La corniche, frize, & architrabe A, sont pareillemēt en Rome al foro boario. Lesquelles choses iay voulu demonstrier, a celle fin que L'architecte puisse choisir celles qui myeulx luy plaist.





DE LA DORICQVE



**E**stant doncques les distributions des Triglyphes & Methopes en ceste ordre difficile nonobstant tresnecesseire . Parainfy me efforceray icelle esclaircir aultant que possible me fera. Parquoy ie dis tout premierement, combien que le texte de Vitruue declare & dict, que les Modelles de l'œuure Hexastilos, cest de six coulomnes, vueillant estre distribue en trente cinq, ie ne trouue touteffois que la compartition puisse ainfy estre. Pource que vueillant donner l'entrecoulonne du millieu quatre Methopes, & aux aultres espaces trois, le dessusdict nombre ne le peult accomplir. Mais aultant que puis considerer, veullent estre quarante deux, ainfy qu'en la suyuate Figure l'on peult veoir & compter. Ainfy ausy en l'œuure Tetraastilos, qui est de quatre coulomnes, le texte dict, que le front de toute l'œuure deburoit estre diuise en vingt & trois. Lequel ainfy demeurer ne peult, vueillant donner a l'espace du mytan quatre Methopes, & les aultres deux chacune trois Methopes. Mais a mon aduis appartiennent d'estre le nombre de .xxvii. ainfy comme pareillement en la figure consequente l'on peult apparcevoir . Quant doncques le front du Temple sera party en .xxvii. deux modelles aura la coulomme de grosseur . L'entrecoulonne du myllieu sera de huit modelles, & celles des costez seront chacune de cinq & demye. Par ainfy seront les .xxvii. despartis, Et sur chacune coulomme son Triglyphe mis. Et lesdictz Triglyphes & Methopes diuise selon la reigle deuantdict, viendra l'espace du millieu a auoir quatre Methopes, & celles des costez en auront trois. La haulteur de la coulomme, Chapiteau, Architrabe, &c. seront obseruee selon la deuandict reigle. Mais la haulteur du Fastige, ou pignon, soit la neufiesme partie de la longueur de la Cimaïse estant sur la Corône, mettant la mesure soubz A, finant droicte ment a la Cimaïse estant soubz la Couronne de hault . Les Acroteries sur le Fastige, seront en haulteur la moitié du fastige ou pignon, Affcauoir du plain ou plat, appelle de Vitruue Timpane, deuant seront large comme la coulomme, est desoubz son Chapiteau, & celle du millieu soit l'huictiesme partie plus haulte que les aultres . Et pource que la porte ou huys de ceste Dorique difficile est a entendre, icy demonstreray, tant par escript comme en figures, aultant que diceulx entendre i'en puis. Le texte Vitruue dict,


Que depuis le pauement iusques au Lacunarij, cest a dire, depuis le fond ou plain des galleries iusques en desoubz les voultures soubz A, doibt estre party en trois parties & demye, & les deux seront pour la haulteur du iour: Ainfy dict le

texte come ie puis comprêdre. Mais pource qu'en petites figures si amplement demonstrer on ne peult les particuliers mesures, ie le mesureray au fueillet suyuant en

plus grande perfection.




DE LA DORICQVE.



**L**A chose faicte ainſy que dict eſt de trois parties & demye du bas iuſques au hault, deux parties ſeront pour la haulteur du iour, laquelle haulteur diuiſee en douze, Vne partie ſera Lantipagmente ou Pilafre de largeur. Et cinq pars & demye ſera la largeur du iour. Et ſi ledict iour eſt ſeize piedz de haulteur, en la ſuperieure part ſera amoindry la tierce partie du Pilafre: & ledict Pilafre ſoit auſſy enhault amoindry la quatorzieme partie. le Supercille ou architrabe ſoit de ſemblable haulteur. Auquel eſt de faire la Cimaife Leſbie avec Laſtragale. Laquelle Cimaife ou Cimatie ſera de la ſixieſme partie du Supercille, ientens Laſtragale Leſbie. Ainſi que demonſtre eſt en la figure A. Il ſemble bien que le texte veult ſeulement la Cimaife eſtant ſur le Supercille, mais ainſy que puis auoir veu aux Antiques, l'ay voulu faire autour de l'Antipagmente ou Pilafre deſſus le Supercille, en lieu de Frize meſura on Lhiperthire pareillement auſſy hault: auquel dict le texte, l'on taille la Cimaife Doricque & Laſtragale Leſbie: en la Sima Sculptura, lequel paſſaige eſt fort confus. Mais en ce me laiſſe ſembler que le texte ſoit corrompu: & ce quil dict Sima Sculptura, il veult dire, ſine Sculptura, ceſt, ſans Sculpture ou tailleure, Aſſcauoir la Cimaife Doricque, & l'Aſtragale Leſbie, dequoy la forme & proportion eſt en la figure A, & D. Et pource auſſy que le texte dict, que la Cimaife, de la Coronne ſoit ſemblable de haulteur comme le ſuperieur du Chapiteau, ſil eſt ainſy, la Corone vient a eſtre tres grande. Laquelle (ſelon le texte) iay donne aul tant de proieſture cõe contiẽt la haulteur du ſupercille. Combiẽ que telle coronne ne duiroit a nul œure. Neantmoins pour traicter des aornemens ay icy voulu dire mon aduis, & en figure demonſtrer.



DE LA DORICQVE. .




Pource que en verite en nostre temps lon ne acoustume d'user de portes diminuee en la partie d'enhault ainsy que les Anticques ont fait, lesquelles pour certaines causes ne blâme aucunement. Toutefois aucuns intelligentz architecteurs en ont faitz, lesquelles n'ont plu a la plusgrand part des personnes. Si doncques Larchitecte veult faire vng Thiromatum ou huys simple & de petit enrichissement selon lordre Doricque, il ensuyura l'ordonnance & mesure de la sequente figure. De laquelle le iour ou l'ouuerture sera deux largeurs en haulteur. L'antipagmente ou Pilastre sera la sixiesme partie de la largeur du iour. Alentour duquel par dehors lon fera vne eschine avec deux filletz, laquelle sera la cinquiesme partie du Pilastre ou Antipagmente, ainsy que nommer on le veult: nonobstant que en la Porte passee est de six pars. Neantmoins pource que iay veu aux Anticques daucune porte moyenne de la cinquiesme partie, par ainsy ay icy ensuyuy la maniere. Et cōme dict est, lon ne fera l'eschine de la quatriesme partie du cercle, mais a demy plat ou plusbas, lequel membre appelle Vitruue Cima-tie lesbie. La reste du Pilastre soit party en neuf, & les cinq pars seront donne a la plu large fascie, & les aultres quattres a la maindre fascie. Dessus Lantipagmente (asscaoir le Supercile) sera la Corniche assise, de telle haulteur comme le supercile, & la partira on en trois egales parties: La premiere partie sera pour la Cimaife avec l'astragale: La seconde pour la Couronne avec sa Cimaife: Et la troiziesme pour la Scime. Mais soit encore adioinct la huitiesme partie pour son filler. En la proiection ou faillie soit obserue la Regle donnee au commencement de ceste ordre.






DE LA DORICQVE.




C Ombien que Vitruue en l'orde Dorique ne faißt mention, que d'une porte ou huys, & encore plaine d'obscure (selon mon aduis) ainsi que deuant est demonstre. Parquoy me semble estre chose raisonnable, que l'on ne vsera seulement d'une sorte de porte, mais de plusieurs manieres, pour l'enrichissement d'ung ouuraige, & pour contenter diuers esperitz. Pource quant l'on voudra vser de telle semblable porte, on ensuyura ceste maniere, obseruât ceste Reigle, laquelle est, que la largeur de l'ouerture ou iour, soit mise double en haulteur, & le Pilastre soit de la huitiesme partie de la largeur dudit iour, & la coulône de la quatriesme part. Et combien que ce soit plus que la mesure donnee, toutefois si n'est elle faulce, veu quelle est en partie massonnee dedans le mur. Considerât ausly plusieurs Antiques estre en telz accidentz encore plus tendres. Sur la coulomme met on l'Architrabe, estant de la haulteur du Pilastre ou Supercilie. La Frise contiendra du Diametre de la coulomme la troiesme partie, Et sur chascune desdictes coulommnes l'on posera vne Trigliphe, & de lune a l'autre seront quatre Trigliphes, & cinq espaces despartis. Les autres particuliers membres, comme Bases, Chapiteaux, Frise, Trigliphs, & Corniche, suivent la reigle preterite. Et pource que aucuns Fastiges, Frontispices, ou pignons sont plus hault que Vitruue n'escript, leur comme reigle fera, que l'on partira la Corniche de lung des boutz a l'autre, ainsi comme de A, a B. en deux egales parties, & du mitan embas pendra a son plomb iusques sur C. & puis mesûres lune des poinctes du compas sur le poinct C. & de l'autre poincte commenceant au coing A. & tirant iusques au bout signe par B. Le superieur de la ligne circulaire sera la conuenable haulteur du Fastige ou pignon.



F.ii.



DE LA DORICQVE.



- a Supercilie  
b Epistilie ou  
architrabe  
c Zophore ou  
phrse.

**A** Vlcunefois aduient q'ung rechangeement tumbe aux regardans plus mignon & agreable, que vne pure simplicité en sa propre nature, Pourtant est plus louable, quant de diuerses membres (touteffois d'une semblable nature) est fait vne piece d'oeuvre, comme lon peut apparcevoir en ceste figure suyuant. En laquelle sont Triglyphes & Mutiles en vng mesme ordre. Lesquelles en effect ny aux Antiques ny en escripture ne les ay trouue. Mais Balzar de Siena vng des plus grandz exerceteur des Antiques en ha paraduerture la veu quelque chose, ou il a este luymesme l'inuenteur, posant les Triglyphes dessus l'huys, a celle fin de maindre charge, & les Mutiles dessus le folide des pilastres, lesquelles portent toute la pesanteur du fastige, & a mon semblant est bien approprie. Et fut moult louez de Clement septiesme, lequel certainement estoit le plus iudicieux en toutes sciences. Ceste porte doncques sera Pouuerture, ou le iour pareillemēt doublee en haulteur. Mais le pilastre sera de la septiesme part de la haulteur, & le Supcile la moictie dudit pilastre. La largeur des Triglyphes & Mutiles est de la moictie du supcile, & la haulteur vne double largeur. Faisant ainſy deux mutiles sur chascun pilastre, & quatre triglyphes sur l'huys: les entredeux ou espaces seront toutes quarrees. Dessus les mutiles & triglyphes affoira on les Chapiteaux ou Abaci, laquelle haulteur ou espezce fera la quatriesme partie maindre que la largeur des triglyphes. Et la Cimaife la troiziesme partie de l'abacus. La haulteur de la Couronne avec sa Cimaife soit semblable a la largeur du triglyphe. Et la Scime aultant. Pareillement la Saillie de la Couronne deuant tiendra aultant comme l'espace dune abacus a l'autre.


Affin que le font viengne en vng quarre parfait. Mais la Proiecture du coste dextre & fenestre fera chascune de la moictie dicelle saillie. La proiecture de la Scime & Cimaife seront chascune egales a leur haulteur,

Le fastige sera au superieur en haulteur  
la cinquiesme partie de la largeur  
des boutz de la Scime en  
vne droicte ligne  
iusques a l'aultre bout.






DE LA DORIQUE.




**C**ombien que en ceste ordre Doricque l'on pouroit faire plusieurs manieres de portes, Neantmoins pource que iournellement l'on cherche choses nouvelles, entendu quelles soient raisonnement faittes, combien que Coulonne, Frize, & aultres membres soient meslez avec le villaigois, toutefois l'on y voit toute sa forme. Et prenez que iaye dict que du rustique on vseroit en fortresses : neantmoins pourroit icelle servir pour rechangemēt, mais point dehors, adcause du recueil des artilleries, &c. Le iour de ceste en haulteur est pareillemēt dune double largeur, la coulonne deux fois aussy large que le Pilastre, estant de quatorze modelles. Des Chapiteaux Triglyphes, Fastige, &c. faittes en comme est predict, surplus laisse ie au vouloir du lecteur.





# DE LA DORICQVE.

**M**On propos estoit au cōmencemēt q̄ en ce. III<sup>e</sup> Liure seullemēt traicteroie des. 5. manieres d'edifices, sicōme de colōnes, pedestalz, epistiles, zophores, corniches, portes, fenestres, gnichez, & telles semblables. Mais depuis me suis delibere (pour l'enrichissement de ce volume) de demonstrier diuerfes faces ou visages d'edifices, cōme temples, maisons, palais, & c. Et pource q̄ les coulōnes estāt embas assize sur le fond, sont bien a priser: nōobstāt a duiēt souuēttes fois, qu'on n'ha les coulōnes si grosses ne longues cōme bien lon desireroit, a l'occasion de quoy est cōuenable de mesūre les pedestalz de soubz icelles, pource ayie faict ceste sequēte ordonnāce. La proportion de laquelle sera, que le iour sera doublee en haulteur. Le pilastre avec larcure tient d'icel le largeur vne douziēme partie. La colōme encore vne fois si elpesse. L'entrecolōnes la moitie de la largeur dudiēt iour. La largeur des nichez deux colōnes de grosseur, & .iiii. en haulteur. Le pedestal hault de .iiii. grosseurs de coulōne: sa largeur, & reste cōe deuant est diēt. La colōme, base, & chapiteau, sera en haulteur de .ix. parties. L'epistile la haulteur de demy coulōme. pareillement chascun trigliphe de telle largeur, & .ii. fois ausy hault, avec leur chapiteau. Iceulx triglifs mis en telle sorte cōe tu vois, la courōne avec la reste fera on cōe cy deuant en faict mentiō. La haulteur du rigion monte vng peu hors d'escripture Vitruue. Mais touteffois j'en ay veu aux anticq̄s d'ausy l'aut & plus: Il est faict de sixiesme partie de la longueur de la courēne. Les Acroteres seront large & hault cōme la colōme est en hault, sans corniche: & le moyen la sixiesme part plus hault, & n'est chose viciueuse, si la colōme est de neuf pars, car elle est enmuree.




**D**E ceste consequente figure peult l'expert Architecte vser en diuerſes choſes, & la peult tranſmuer ſelon les accidentz que ſuruenir luy peullent: elle pourroit pareillemēt duiſre a aornement de paincture ſur quelque aultel. Comme l'on vſe iournellement au pays d'Italie en diuerſes places. Pour vng Arc triumphal pourroit auſſy icelle ſeruir, entendu quil conuiendroir oſter le baſement du milieu. Semblablemēt pourroit on dicelle enrichir vne porte, ſans les aeſles des coſtez, & de la meſme auſſy aulcuneſſois pour decoration d'une fenestre, ou dung nichet, ou tabernacle, ou de telles ſemblables choſes. De laquelle la proportion ſe fera en ceſte ſorte, que la largeur du iour ſe partira en cinq parties, & l'une dicelle ſera la groſſeur de la coulomme embas. La faſcie de deſoubz courât a l'entour ſera d'une demy groſſeur de coulomme: la haulteur du iour ſera de ſept groſſeur dicelle: & ainſy ſon Baſe & Chapiteau enſemble d'une groſſeur de coulomme, ſera la deſſuſdict de huit meſures en haulteur. Le Piedeſtal ſoit trois groſſeur de coulomme en haulteur, & la largeur pareille au Plinthe de deſoubz la coulomme. Les entrecoulomnes des coſtez ſeront chaſcune en largeur d'une groſſeur dicelle coulomme, & a l'anglet ſera miſe vng quatrieſme partie de coulomme. Les aeſles des coſtez la ou les nichetz viennēt, ſoient chaſcune d'une coulomme & demye, & les nichetz large d'une coulomme & trois en haulteur. L'architrabe aura la demy groſſeur, & le Trigliphe aultant en largeur, mais ſa haulteur ſans le Chapiteau ſera vng quarre parfait y adiouſtant deux tiers partie: & meſtant les Trigliphs au dextre & fenestre coſte droitement ſur la coulomme, & entre deux encore quatre Trigliphes & cinq Methopes, la diſtribution viendra iuſte, moyennât que les eſpaces ſoient miſes en quarreure. La Courōne & le Frontiſpice, & tous les aultres membres, tant deſſus que deſoubz, ſe feront en la maniere deuandée. Et pource que les Trigliphes des angletz ne correfpondent aux eſcriptures de Vitruues, neantmoins ie Pay veu aux antiques ſur les coingz aſſis. Cey toutelſois ſe fera au plaifir des Architectes d'ainſy les faire ou non. Et combien que n'auoye intention aulcune en ce quatrieſme liure de traicter ny meſtre aulcunes plattes formes, veu que aux aultres liures en mentionneray. Nonobſtant a telles monſtrations quelles ſeront difficiles & peſantes a entendre, meſtray touſiours apres ſon plat ou Ichnographie pour pluſ grande ſatiſſaction.






DE LA DORICQVE.




**P**renez que les Antiques (aultât que veoir lon peult) apres auoir mis l'Architrabe ou Epistyle sur les rondes colonnes, n'ont pose dessus icelluy sinon le Fastige, vsant de telle ordonnance seulement a temples, & non a aultres edifices. Toutefois ne veulx laisser a faire aucune maniere de maison sans arcade. Car si nous voulons faire arcures auecques leurs piliers quarrez, & la deuant coulomnes rondes pour plusgrand aornement, & desirant vne gallerie de lumiere planturouse: les piliers auecques leurs arcures obscurceroient fort icelle. Et si nous voulons meçre l'arcure seullemēt sur la coulomme rōnde, icelle œuvre se trouuera faulce. Parce que les coings des arcures passeroient le corps rond de la coulomme. Et pourtant non particulieremēt de ceste ordre, mais par consequente des aultres, ie pretends de faire aucunes maisons & aultres edifices sans arcade. Ceste presente se fera doncques en sorte telle, que la plusgrande entrecolōne soit de quatre grosseurs de coulomme, & les petites dune coulomme & demye. La haulteur des coulomnes serōt chascune de neuf grosseurs, auec Bases & Chapiteaux: l'Architrabe, Frise, & Corniche, &c. seront faict selon la vielle reigle. La largeur des fenestres soient de deux grosseurs de coulomme. La haulteur dicelles en quareure, & deux tiers, Et leurs Pilastres de la sixiesme partie du iour, ayant leur Corniche dessus accordant aux Chapiteaux des coulomnes. Lhuys sera large de trois coulomnes, & sept de haulteur; ainsi viendra le iour des fenestres & des huys de egale haulteur. Les Triglyphes & Methopes seront compartisen telle sorte comme lon apperçoit. La deuxiesme ordre sera plus petite ou courte la quatriesme partie (selon la doctrine de Vitruue) & par ainsi seront Architrabe, Frise, & Corniche, aussi maindre de la quatriesme partie. Les fenestres auecques leurs Pilastres seront large comme celles de desoubz. Les aornementz des nichetz seront en perpendicle a la coulomme, Et ainsi sera le creus desdictz nichetz large aultant que les entrecoulomnes. Leurs haulteurs seront chascune de deux quareux & demy. La troiziesme ordre sera la quatriesme partie plus bas ou maindre que la deuxiesme. l'Architrabe, Frise, Corniche, a l'aduenant, mais le tout ensemble comparty en trois, vne sera pour l'Architrabe, l'autre pour la Frise auecques les Mutiles, ou Modiglions. et la tierce pour la Corniche. Quant ad ces particuliers mesures les trouuerez cy apres en lordre Compolite. Les fenestres de la derniere ordre seront aussi semblable a celles de desoubz. Mais les nichetz seront la quatriesme partie maindre que les aultres. Leurs haulteurs de deux quareux & demy. La reste trouuerez vous legierement.




G.ii.



DE LA DORIQUE.




C Ombien que en l'ordre Thuscane en la figure. 13. iay demonstre vne semblable inuentien, neantmoins en ceste presente y a difference, par ce que ceste loge ou gallerie veult estre voullée en rondue; & la ou sont les arcz, appartient estre voullée en croileures, sicomme au plant lon peult appareuoir. Et pource que les costez des coulommnes sont tousiours oppressees & poulles, par icelles ne pourroient contretenir: parquoy sera necessaire de poiser sur les coulommnes aucunes clefs de fer, ainsi qu'on voit en la platte forme, & icelles de metal seront tant plus durable. La proportion de ceste face se fera en telle sorte, que la plus grande entrecoulomme sera de quatre grosseurs de colonne, & la plus petite de deux grosseurs. La haulteur des coulommnes avec Base & Chapiteau, aura sept grosseurs. Lepistile de trois quart de grosseurs de colonne, sur lequel sera fait vng demy cercle, lequel au front dicelluy sera dune demy grosseur de coulomme. Sur les arcures pose on la Couronne de la haulteur de Lepistile. Entre les deux arcz soit fait vne maniere de fenestre, de la largeur que les entrecoulommnes embas seront; & la petite moleure ou bord de la largeur de celle de l'arcure. La cauet ou trochille avec l'echine estant sur les fenestres vne partie membres de la corniche failliront touteffois quelque peu par dessus icelles fenestres, & ce pour enrichissement d'icelles. La largeur de lhuys sera de deux coulommnes & vng quart. Le Pilastre ou Antipagment aura la sixiesme partie du iour: La haulteur du iour suyura le Supercille iusques au desoubz du Chapiteau de la coulomme, Laquelle forme de Chapiteaux suyuront la Corniche de dessus les huys & fenestres. Les fenestres, ascauoir le iour, auront en largeur deux grosseurs de coulomme. mais ceste grosseur en cest endroict sera prinse en hault. La haulteur du iour sera vng quare & demy. Les nichetz seront de la mesme haulteur. L'ordre de dessus, ou deuxiesme estage, ainsi que nommer le voulons, sera plus court & moindre la quatriesme partie, diuisee en ceste maniere, Que le paraxette nomme de Vitruue Podium, sera d'une grosseur de coulomme, & demye de haulteur: la reste se partist en cinq, l'une d'icelles sera l'architrabe, frise & corniche. Les nichetz avec les aornementz, viendront en perpendiculaire dessus les fenestres entre les arcques, & de la largeur estre fait cinq egales parties, les deux auront les coulommnes, la reste sera pour les nichetz avec les pilastres. La Corniche dessus lesdictz nichetz tiendra aultant sicomme la largeur dune dicelle coulomme, & la Base d'une demy largeur. Les fenestres entre les nichetz seront en iour la quatriesme partie maindre que celle de lhuys, & de double haulteur. Mais de la reste des aornementz (pource que ceste œuvre est vng petit mesle) lon trouuera au Ionique, & par le Corinthe plus ample declaration. Les Triglyphes en ceste composition, entre lune & l'autre, n'auront leurs Methopes parfaitement quarees, adcause que iay voulu poiser sur chascune fenestre & nichet trois Triglyphes, ainsi que lon peut appareuoir en la presente figure, Et si y reste aucune aultre mesure tousiours m'en raporte a la Reigle premier donnee.






DE LA DORICQVE.




ET pource que telle fois quelqun voudra auoir fait vne loge tout par arcure . et ainsy cōme deuāt auons mentionne, estre chose confuse de meüre arcures sur rondz pilliers: pourtāt y peult on biē meüre pilier ou colōnes quarees, avec Bases & chapiteaux, cōe les aultres. Et toutēf. fois que ceste figure demonstre vne maison entiere, laquelle semble trop petite pour quelcun ayant place spacieuse: a celle raison lon la pourroit estandre & r'alongir de .5. ou aulcunefois de .7. arcures. Laquelle diuision se fera que chascune entrecolonne soit de .4. grosseurs. la haulteur des colōnes avecques bases & chapiteaux soit de six pars. & dessus icelles les arcures mises large deuant d'une demy colōne: l'ouuerture viendra d'une double proportiō. Dessus les arcures pose lon l'Architrabe, Frise & Corniche: la haulteur de tout sera de .2. grosseur de colōne. Et party iceulx membres en .3. & demye egales partiōs, vne sera l'Architrabe, vne & demye pour la Frise, & vne pour la corniche. Et quāt aux aultres membres lon enfuyra la reigle preterite. Lhuys sera .2. colōnes de large. le pilastre de la sixiesme partie du iour: mais la Corniche de dessus ledict huys & fenestres riendrōt egalle forme & haulteur du chapiteau. Les fenestres seront large dune colōne & demye, & leur haulteur ou longueur soit prise en diagonale. Les colōnes angulaires serōt en largeur semblable aux aultres: mais leurs haulteurs serōt de .8. parties & demye. La deuxiesme ordre de dessus sera la quatriesme partie maindre: les colōnes angulaires avecques Architrabe, Frise & Corniche serōt diminuee a l'aduenāt: les fenestres de dessus les arcs avecques les pilastres, serōt large cōe celles de desoubz: mais leurs haulteur de .2. quarez. la Frise & Corniche dicelles sera large cōme son Pilastre ou Supercile. Les petites fenestres de dessus, sont faictes pour .2. raisons, la premiere pource que si lestage est si hault cōe par dehors se demōstre, la chambre & aussy la vouliure ou ciel en sera tant plus cler: l'autre raison est, que si lon vouloit pour aysemēt y adiouster quelq chambre pendente, pourrōit icelles fenestrettes seruir de lumiere. la troiziesme ordre ou estage sera maindre q̄ la secōde, la quatriesme partie: & puis apres icelle diuisee en .5. desquelles lune sera pour l'architrabe, frise, & corniche: iceulx membres de party en .3. egales partiōs, lune sera l'architrabe, l'autre la frise, & la tierce la corniche. En la frise serōt cōpartys les Mutilles ou modigliōs, ainsy cōe lon aperceoit. Le iours des fenestres serōt cōe des aultres, mais elles serōt la douzieme partie plus hault par ce quelles sont plus eslonguee de la vue. Les pilastres, frises & corniches serōt semblables aux aultres. les frōtispiques & arcures, se ferōt sicōme aux huys de lordre doricque est mentiōne. Et pour enrichissement aussy pour poser & adioindre vne ordre encore au dessus, lon y peult meüre ces acroteres ou petit pilastres, & de ceulx qui le myeulx duyōt pourra on prēdre a seruir de trou de fumee. Les espaces d'entre les fenestres qui demeurēt blanche, sont laissees pour y paindre, selon le vouloir de l'Architect, & du patron du logis. Et pour plus ferme assuree de la fabrique sera bon d'y meüre aulcunes clefs de fer. Pour le moins au trauers de la gallerie ou loge, comme dict est.






DE LA DORICQVE.

Pilastres




EN la noble cite de Venise, pource quilz sont fort estroictement logie, a cause du grand nombre de peuple, leur conuiēt choisir & chercher leurs iours ou ilz peulrent: a l'occaliō de quoy leur fabricque est fort different a ceulx des Itales. Neantmoins comme veoir le pouez lon leur peult donner iour assez, en obseruāt l'anticque, de quoy les diuisions serōt telles: Que lon partira la largeur d'ung arcure, en .2. pars & demye: vne part sera pour les pilastres (comprins la colonne) desquelz la grosseur sera de la moictie, & les colōnes rondes aultāt au cas pareille. La haulteur des arcures seront chascune d'ung quarre, & deux tiers: on les peult semblablement faire de .2. largeurs en haulteur, la reste a l'aduenāt. Les chapiteaux ou impostes soubz les arcures, seront d'une demye grosseur de colōne, en soy seruāt du mesme cōe cy deuant est demonstre au Theatre de Marcello. La porte soubz la gallerie sera en largeur de trois grosseurs de colom. & la haulteur vng quarre avec deux tiers: Le pilastre ou antipagmēte sera de la huitiesme partie du iour d'icelle porte: la couronne facordera aux chapiteaux. Mais adioindant dessus la Scime, lon fera le fastige ainsi que dict est, & au dessus dicelluy lon peult donner plus ou moins de iour selon l'opportunitē de la fabricque. Et si icelle edifice est en quelque lieu ou place ouuert & frequente, lon y peult au costez adiouster bouticles, ainsi cōe on voit en la presente, correspondant au residu de la fabricq. Dessus les colomnes est mise le pistile en haulteur d'une demy grosseur de colom. la largeur des triglyphes aultāt pareillemēt: la haulteur diceulx se cōpartira en sorte que les espaces d'entre deux se trouuent quarrees, & la reste sera ladicte haulteur desdictz triglyphs. Sur iceulx pose on la corniche, d'une sixiesme part plus haulte que le pistile. des particuliers distributiōs se fera en obseruāt la reigle preterite. L'ordre de dessus sera la quatriesme partie moindre: en faisant soubz chascun base des pilliers vng plinthe de telle haulteur cōe la faillie de la corniche pourra supporter, & ainsi sera la reste party en cinq: vne dicelle sera l'architrabe, frise & corniche. lesquelz (cōe dict est) serōt party en trois. Les colōnes soubstenāt l'architrabe serōt de neufz mesures en haulteur. Les maindres colōnes soubstenāt les arcures serōt plus delicates q̄ les aultres la troiziesme partie. L'espace du millieu desoubz les arz serōt deux fois plus large que celles des costez. Par ainsi doncques les corniches qui soubstiennēt les arcures posees sur les colōnes, & apres auoir fait le demy cercle iusques au desoubz de l'architrabe, pareillement les yeulx des costez, se trouuera trefclere: & ou il apartiendra aulcune chambre, lon pourra ferrer le iour du millieu, & ceulx des coustez seruiront de fenestres, ce neantmoins l'ordonnance de dehors demeurera, & aussy par dedens ne sera corumpu, car le cios clos sera pour cheminees, lesquelles on dict debuoir estre tousiours faictes entre deux fenestres proportionne a la face de l'homme, sicōme estant les fenestres les yeulx pour la lumiere, & la cheminee representant le nez, lequel recoipt tousiours la fumiere.






DE LA DORICQVE.




P Our diuifer la presente face, comme il dict (car aultre prologue n'en faict il) partira on sa latitude en quatorze, & vne de ces diuisions sera pour vne coulomme, l'intercoulomme du milieu sera de six pars, les aultres seront chascune de trois pars: les fenestres tiendront vne coulomme & demye, leurs haulteurs seront de deux quarrez & demy: les pilastres d'une fixiesme partie du iour, les fenestres du premier ordre soient de semblable largeur, celles de desoubz seront d'ung quarre parfait, & les aultres de dessus icelles d'ung quarre & demy. La largeur de la porte sera de cinq grosseurs de coulomme, a celle fin que les coulommnes ayent leurs fondement solide & ferme, La haulteur dicelle porte est d'ung quarre & deux tiers. Mais les penâtz avec la reste voit on assez en la figure. Depuis embas soubz l'arcure de la porte iusques dessus la fascie seront deux grosseurs de coulomme. Et obstant que toutes aultres ordres sur ordres veullent & requierent estre racourcie de la quatriesme partie, en cest endroict (par mon aduis) pource que la compartition des coulommnes commencent dessus ceste œuvre rustique & massif, & aussy entendu que le massif ne contient trop grande place, & que pareillement est suffisamment fort, appartient estre de la mesme haulteur. Dessus la premiere ordre doncques fera on vng Podie ou apuyemêt, d'une grosseur & demye de coulomme en haulteur, sur lequel lon posera les coulommnes en tel ordre comme dessus est dict. La haulteur dicelles sans le Podie se partira en cinq, dequoy les quatre seront pour les coulommnes, & l'autre partie pour leurs aornemêtz: dequoy les Triglyphes seront compartis ainſy que lon voit, obseruât la reigle deuandiste. L'espace du mytan soit ainſy diuisee, que les petites coulommnes soient d'une demye grosseur des grandes, & l'entre coulomme du milieu soit double en largeur de celle des costez. Lesquelles seront egale aux yeulx des fenestres, dessus icelles pour plus grande lumiere fera on des yeulx ou petitz rondz, & dessus les petites espaces pareillemêt, telz petitz fenestretz ainſy que lon voit en la presente, ou pour acompaignemêt y peult on faire aussy des yeulx. Et neantmoins sil reste encore aucunes particuliers diuisions, lon les cherchera tousiours plusauant. La tierce ordre avec tous ces membres sera pareillement de moindre statue la quatriesme partie, mais les fenestres seront large comme celles de desoubz, & semblablement aussy leurs haulteurs. Toutes les aultres choses se peultent facilement trouuer au compas. L'elevation du milieu sans le frontispice sera en haulteur de la moitié du troiziesme ordre. De la reste peult l'Architecte croistre ou diminuer comme il luy plaira.




H.ii.



DE LA DORICQVE.




**I** Ay cy derrier demonstre en deux manieres comme lon pourra faire les faces ou representations de maisons a la mode de Venise, mais pource que en telles faces ilz se delectent d'aulecunes faillies ou galleries sortant hors des fenestres, & cecy font ilz pour pouoir plus cōmodement iouyr de la frescheur des eaues des canaulx. Parquoy la plusgrand part des maisons ont leurs faces sur iceulx. Pareillement pour les triumphes & festes nauigables qui souuentefois en icelle ville se font, y ioidant & rendant grandes faillies a la veue. Et sont toutelfois choses vicieuses, lesquelles n'ont aultres supportz que des Modiglions. Considerât aussy que tel œuure, n'ayât son assiete ferme & stable, nuyt & corrompt le mur : a quoy les Anticqs ont bien pourueu, quelz n'ont iamais faict telles faillies, sinon celles des corniches. Pourtant ie diz, Si lon veult en telz charpenraiges faire telles œuures, obseruant raison, sera besoing que le premier mur soit de telle grosseur quil faille aultant cōme le plat ouallee dicelle faillie ou galerie appartient, sicomme lon aperceoit au plant ou platte forme. Et pource que le mur du mytan faille plus que celluy des costez, si ainsy est qu'on ne le vueille faire si espes, lon peult faire par dedens vng fort arcq, qui soubstiendra celluy du milieu. Combien quil n'est de grande charge & petite pesanteur. Ce plant sentend sur lestage du Rustique. Cest ordre doncques faict ainsy quil est demōstre, la compartition de ceste face sur laultre, sera que la partie du milieu se fera de trois portions, & les costiez de trois & demye, i'entens dedens mur, comme le plant le demonstre. La haulteur de ce deuxiesme ordre, sera comme celle de desoubz, pour la raison dicte en la carte passee. Et premier se fera la puyement dict Podie, d'une raisonnable haulteur pour appuyer, ce qui reste se partyra en cinq, vne dicelle sera l'epistile ou architrabe, frize, & corniche, iceulx desparty comme souuentefois est mentionne. La largeur de la partie du milieu soit en ceste maniere, que l'ouuerture avec l'arcure, soit doublee a celles des costez, & la haulteur de deux quarrez. Et ainsy les architrabes mises sur les colonnes pour soubstenemēt des arcures, toutes les fenestres suyuront icelle renga, Aussy pour plusgrande commodite du iour, & pour aornementz seront faict des yeulx & des petites fenestres quarees. Et si les enrichissementz de plusieurs choses (pour la despence) ne se veullent faire de marbre ou aultre pierre, par peinture les peult on accomplir. La troiziesme ordre sera aussy la quatriesme partie maindre que la seconde, & ainsy aussy chascune partie a l'aduenant ensuyuant la preterite reigle : & combiē que sur le Dorique lon pose le Ionicque, ce que les anticques ont faict en moult d'edifices, la proportion & mesure se trouuera cy apres en l'ordre Ionicque.





DE LA DORICQVE.




**C**ombien que l'Architecte ait veu plusieurs manieres d'inuentions en ces choses passees de ceste œuvre Doricque, & luy duyra a se seruir de plusieurs ordonnances de cheminees: neantmoins i'en mettray deux de ceste ordre Doricque, vne moyenne entierement fermee en dedens mur pour quelque petite chambre ou maison: l'autre pour vne place spacieuse sortant du tout hors mur avec les Modiglions. Pource que aulcunes fois vne petite chambre seroit occupee d'une cheminee, par ainsi est besoing de la faire totallemēt en l'espaisseur du mur, & la hauteur de l'ouverture selon l'opportunité du lieu, & se partira ladicte hauteur en quatre pars & demye, l'une fera la largeur du pilastre, mais l'Architrabe contiendra la moitié. Le fillet courant alentour fera de la septiesme partie. Pareillement sont aussi tous les autres fillets de mesme largeur. Les Triglyphes & Modiglions seront vne demy largeur d'Architrabe, mais leurs hauteurs prendra on en ceste maniere, Que ainsi que les Mutiles estant sur les pilastres, & l'entredeux, ou merhopes diceulx estre comparty quilz ayent leurs largeurs de celle de l'Architrabe, neantmoins les espaces ou Merhopes entre les Modiglions n'aurōt point leur quarre parfait. Les chapiteaux des Mutiles & Triglyphes seront en hauteur d'une demye largeur desdictes Triglyphes. La couronne, Scime, & Cimaïse soient en hauteur comme l'Architrabe: & partis en deux, l'une des pars sera pour la couronne, de l'autre fera on trois diuisions, vne pour la Cimaïse avec son fillet. les autres deux pour la Scime, avec son fillet. La proiection de la couronne sera de telle faillie, que les espaces dentre les Chapiteaux des Triglyphes sous le fond de la couronne viengnent en quarreure. A celle fin que si on y vouloit faire quelque enrichissement comme de roses, elles puissent auoir lieu de proportion, La proiection de la Scime, avec son fillet ou Cimaïse, soit en quarreure. Et ce qui vient dessus est au vouloir & plaisir de l'Architecte. Mais si la cheminee est de petite corporance, pour quelque petite estage, lon fera le pilastre de la septiesme part, de la hauteur de l'ouverture, & le surplus aussi que dict est





DE LA DORICQVE.




**L**A fuyuante cheminee hors du mur fera on en telle sorte, que apres auoir prins la haulteur & largeur selon le lieu & place conueniēt, sera telle haulteur commenceāt au pazez iusques au desoubz de l'Architrabe partye en quatre, l'une baillera on pour l'Architrabe, Frize & Corniche, iceulx membres party cōme deuant est diēt. Et combiē quil semblent estre de plus grande haulteur, ce vient, que la veue procede de desoubz. La l'argeur des Modiglions seront de la septiesme partie de leurs haulteurs. Les Chapiteaux d'une demy largeur diceulx, & ce partissent sicomme du Chapiteau Doricque est cy deuant mentionne. Aulcuns ya qui diminuent embas la largeur de celsditz Modiglions d'une quatriesme part, a cause que les piedz de desoubz saillent de rechief vne quarte partie, & ainly les Plinthes de desoubz iceulx piedz vienēt de telle largeur comme la superieure partie : mais si lon veult faire iceulx Modiglions d'une egale largeur, ce priferoie ie pour quelque grande œuvre, considerāt que la partie interieure se retire vers le mur, & par estre quelque peu eslongue de la veue se restroissit d'elle mesme. Et pource que la partie tirant la fumee, luyst la pyramide, qui ne seroit en vne œuvre de grande haulteur chose agreable, a celle cause pourra on poser ceste ordre sur la premiere Corniche, tant & si hault ou bas comme lon voudra, ou selon la qualite du lieu. Ceste maniere de cheminee peult on tenir en grande forme, neātmoins son la veult faire de petite corpulance, lon diuifera sa haulteur depuis le bas, iusques a l'Architrabe en cinq parties, dequoy l'une sera pour la Corniche, & la largeur des Modiglions d'une neufiesme part de leur haulteur, les Chapiteaulx chascun d'une moiētie de leurs largeurs. Par ainly en ceste forme moyenne se trouuera plus gracieuse & plaifante. Et ce dyie par experience, par ce que iay tenu en aulcunes cheminees ceste grosse mesure en petite forme, lesquelles se trouuent encore trop grandes

■ FIN DE LORDRE DORICQVE,



DE LA DORICQVE.




# De l'ordre Ionicque avec ses aornementz.

## CHAP. VII.




De ceste oeuvre Ionicque traicte Vitruue au quatriesme liure, chap. premier. Et ainſy comme dict eſt, les Antiques prenoient icelle de forme feminine, & la dedierent a Diane, Apollo, & a Bacchus. &c. Mais entre nous Chriſtiens ayas a faire quelque temple d'icelle ordre, nous les dedierons a quelq; ſainctz ou ſainctes, quelz en leur viuant ont eſte de corpulence, entre le robuſte & de licat. Pareillement en cōmuns ouuraiges, ſi ainſy eſt que ce ſoit pour aucun homme docte, coy, non robuſte, ny auſſy trop delicat, a iceulx duyra ceste ordre ou maniere. Or venons aux meſures. La Coulomme Ionicque avec Baſe & chapiteau pour vne reigle cōmune ſe fera de .viii. meſures. Combien que Vitruue la eſcript de huiſt & demye. Selon l'opportunitie la pourra on faire auſſy de neuf ou plus, ſelon les lieux & qualitez des edifices. Mais celle comme iay dict, ſe fera de huiſt parties, l'une deſquellesz fera la groſſeur dembas; & par ainſy ſera la Baſe d'icelle d'une demy groſſeur. Laquelle Baſe eſcript Vitruue fort diligētement au .iii. chap. du .iii. liure en telle maniere, que la prediſte Baſe ſoit d'une demy groſſeur de coulomme. Le Plinthe d'icelle ſoit de la troizieme partie. De la reſte ſen fera ſept parties. les trois d'icelles ſeront pour le Thore: & les quatre pour les deux Trochilles, avec leurs Aſtragales & filletz: & que chaſcun trochille aye ſon aſtragale. Les aſtragales ſeront de l'huictiesme partie du trochille, & les filletz de la moiſtie diceulx. Et combien que chaſcune Scotie ou trochille avec leurs appartenances ſoient d'une egale haulteur: toutesfois ſe monſtrera celle d'embas pluſ haulte, car ſa proieſture viendra gliffer iuſques au bout du plinthe. La proieſture duquel plinthe aura a chaſcun coſte l'hytieſme & ſizieſme partie de la groſſeur de la colomme. Par ainſy contiendra lediſt plinthe a tous couſtez la quatriesme & huictiesme partie plus que la groſſeur de ladiſte coulomme. Et pource que le fillet (de Vitruue appelle ſupercile, de noſtre aucteur oultre paſſez) eſt occupe de ſi puiſſant thore: me ſemble eſtre choſe raiſonnable, que icelluy fillet ſoit encore vne fois auſſy grand que les autres, touſiours obſeruant en tous les membres telle diſcretion, comme dict eſt au Dorique.






## DE LA IONICQVE.

**P**ource que ceste Base Ionicque, descript de Vitruue, ne contēte la plus grāde partie. Pour cause que le Thore est fort materiel, & les Astragales fort petitz defoubz tel gros membre, selon le iugement de plusieurs scauantz & doctes, lesquelz ont pour telles affaires souuentefois disputez. Parquoy avec reuerence & grand regard a tel aucteur, en formeray icy vng a mon opinion & semblant. Le Plinthe doncques estre ainly fait comme dict est, la reste se diuise en trois parties, l'une donnera on au Thore, le surplus soubz le Thore sera party en six, vne d'icelle sera pour vng Astragale, & son filler de la moitie. Le Supercille ou filler estant soubz le Thore, soit ausy large comme l'Astragale: la reste est pour le Trochille. L'autre troiziesme partie restante, se partira ausy en six, l'une pour l'astragale: vne moitie pour son filler, & aultant pour celluy de defoubz. La reste est pour le Trochille sortant defoubz, ainly que dict est.





**L**E Chapiteau Ionicque se fera en ceste maniere, que sa haulteur soit d'une troiziesme partie de grosseur de la coulomme, & le front de l'Abacus large vne grosseur de coulomme y adioustant la dixhuietieme partie, qui contiendra en tout dixneuf mesures: mais retire vne d'icelle mesure & demye, a chascun des costez, la se pendra la ligne appelee Catheta, laquelle contiendra neuf mesures & demye, ce viendra a la myte de la largeur du Chapiteau, vne partie & demye seront pour l'abacus, desquelz coings peult on choisir & faire selon celuy du dextre ou senestre, car tous deux sont Antiques, les huit parties pendans soubz l'abacus, seront pour les Volutes. Et pource que seroit chose fort penable de mesurer ou demonstrier en ceste petite figure, principalement en loeil les nombres, a celle raison en ceste carte suyuant mestray en grand plus ample demonstration, & la aupres ausy la maniere des distributions des gueules ou canaulx de la coulomme, & avec ce la figure des costez des volutes & chapiteaulx. Et si la coulomme est de quinze piedz embas, sera enhault diminuee la sixiesme partie, en sorte & maniere come dict est a la Thu'cane: & si elle est de .xv. piedz en sus, lisez Vitruue au troiziesme liure Chap. deuxiesme.




Quant doncques le corps de ce Chapiteau Ionicque est parfait, si reste il encore descrire icy des Volutes, lesquelles seront faictes sur la ligne nomme Catheta: & apres auoir laisse de desoubz l'Abacus tirant embas quatre mesures, la cinquesme sera pour l'oeil, & ainsi demeurera depuis loeil embas encor trois, qui seront les huit parties, ainsi que dict est. Ledit oeil sera diuise en six, & en dedens icelluy marquez les nombres come l'on peult appareuoir, & ainsi posera on la pied du compas sur le point vng, & l'autre pied a ladicte ligne Catheta desoubz l'Abacus circuyant embas iusques a ladicte ligne sur l'huictiesme partie, & laissant le pied du compas sur icelle ligne, en metant l'autre pied sur le point deux, & tournez de rechief en montant iusque a la Catheta, & tenez la aussi le pied dudit compas, & rasseez l'autre sur le point trois, tournez de rechief embas iusques a ladicte Catheta. Et tenant aussi la vostre pied, & ramenant l'autre iusques au point quatre, & puis de la circuyant en montant iusques a ladicte Catheta, & la acressant ledit vostre pied de compas, en posant l'autre sur le point cinq, & ainsi circulant a l'entour fait on a six. & a la fin paruiet a fermer & clore vostre oeil, auquel si l'on veult, peult on faire vne rose. Quant aux autres particuliers membres peult on facillemēt trouuer au compas. Les gueules ou sifryes des coulornes, quelles l'on appelle canaulz, seront en nombre de vingt & quatre, & l'une d'icelle diuifera on en cinq, desquelles les quattres demeureront pour ledictes gueules ou canalz: la cinquesme sera le plat ou fillet, appelle sifrix de Vitruue, & depuis l'ung des cantons desdictz platz iusques a l'autre lon tierera vne ligne, & le mytan sera le centre de la caueure. Mais si aulcunefois on vouloit faire vne coulornie delicate, sembler estre materielle, y conuiet faire vingthuit sifryes ou gueules. L'abacus de ce Chapiteau est sur les costez aussi large comme deuant, lequel coste est proportionne apres ce-luy deuandict. Lecteur discret iay tire ces volutes icy selon ma simplicité, a cause que le texte de Vitruue est fort obscur & pesant a entendre, & que plus est, promectant le mesme auteur, la figure de ceste volute au dernier liure, ensemble aultres belles choses, lequel liure n'est a trouuer.




DE LA IONIQUE.



**C**Y derriere ay demonstre selon le texte de Vitruue du Chapiteau Ionicque, aultant qu'est en ma possibilite de l'entendre. Maintenant demonstreray cōme d'aulecuns Romains Antiques seront faictz. Le Chapiteau.M. est encor au Theatre Marcelli, duquel meſtray aulecunes meſures generales. Le frond de l'abacus est ſemblable a la groſſeur de la colōne embas. les volutes faillēt dehors la ſixieſme part de l'abacus, & pendēt iuſques a la moiſtiē. La haulteur du chapiteau est la troiſieſme part de la coulomme embas. Mais pource que telz chapiteaux ſembloient eſtre d'aulecuns Architeciz ſobremēt enrichiz, y ont adioute vne Frize, ſicōme l'on peult appareuoir au chapiteau P. faifant la haulteur du chapiteau de deux tiers de groſſeurs de la colōne embas. Lequel chapiteau l'on peult veoir pour le iourdhy en Rome, avecq's pluſieurs aultres ſemblables.




**E**T pource que aulecuneſſois pourroit a l'architecte eſcheoir, de faire quelque cloiſures carrees avecques chapiteaux Ionicqs, en quoy ſont eſte aulecū architeciz deſſailās en la poſitiō des volutes, & pour reſiſter a ceſie erruer, luy ſera beſoing de faire les chapiteaux angulaires, ſicōme en ceſte platte forme l'on ſeult appareuoir, & de tel chapiteau fut vng trouue en Rome, lequel a pluſieurs fut ymaginer & ne ſcauoient comprendre a quelle intention icelluy pouoit eſtre faict, & pour reſolution fut appelle le chapiteau de conſulion, toutesſois a la parſin apres pluſieurs diſputations fut conclud quil auoit ſeruy au coing d'une gallerie, ſeriāt l'ordre des colōnes ſignee, p A. & ſi l'on ha a poſer colōnes plattes au coings d'ung mur, affin que le front des volutes viengnent au deux coſtez egaux, les peult on faire ainſy que cy deſoubz eſt demonſtre en la platte forme B.






# DE LA IONICQVE.


**L** Epistile ou Architrabe est ainſy a former, Que ſi la coulomme eſt de douze piedz iuſques a quinze de haulteur, L'architrabe ſera d'une demy groſſeur de colonne: ſi elle eſt de quinze a vingt piedz de haulteur, icelle coulomme ſe partira en treize, & l'une ſera la haulteur de l'Architrabe: Et de vingt cinq a trente piedz lon ſera ledict Architrabe d'une douzieme partie dicelle haulteur: Et de vingt a xxv. piedz, ſera icelle compartie en douze & demye, & l'une baillera on a l'Architrabe. Et tant plus ſera la coulomme de longueur, a l'aduenant ſe ralongira ledict Architrabe, car de tant plus que vne choſe ſeſſoigne de la veue, & tant moins ſe monſtre en grandeur. L'architrabe doncques eſtre faiete de ſa haulteur raiſonnable & party en ſept, l'une ſera la Cimaife, & ſa proiecture de meſmes: & ce quil reſte partira on en douze egales parties, les trois donnera on a la premiere faſcie: quatre a la ſeconde, & les cinq pour la troiſieſme. La groſſeur dudit Architrabe ſera en la partie de deſoubz, comme la coulomme eſt en la ſuperiorite de ſon tronc, & la groſſeur du deſſusdicte ſera en la partie d'enhaut, comme le tronc de ſa coulomme embas. Le Zophore ou Friſe aura ſa meſure ſelon la qualite de l'œuure: car ſe on y veult meſtre quelque ſculpture ou taille ſe ſera icelle la quatrieme partie pluſhaulte que l'Architrabe. Mais ſi on la faiet ſans entretailleures, elle ſera la quatrieme partie maindre. Sur la Friſe poſera on ſa Cimaife & ſoit de la ſeptieme part de ladicte Friſe: & ſa proiecture de la meſme. Deſſus la Cimaife poſe on le denticule ou dentelle, de telle haulteur comme la faſcie du milieu, & ſa ſaillie aultant que ſa haulteur. La largeur diceulx denticules, ſoient double en haulteur, les entredoux ou creuz des deſſusdictez ſeront moindre la troiſieſme partie: la Cimaife contiēt du d'enticule la ſixieme partie. La Couronne avec ſa Cimaife comprendra la haulteur de la faſcie du mytāt: & la proiecture dicelle couronne avec le denticule tiendront enſemble, aultant comme la haulteur de la Friſe avec ſa Cimaife. La Scima ſera lhuictieme partie pluſhaulte que la couronne: ſon fillet ſera de la ſixieme partie, & ſa proiecture comme la haulteur. Et ainſy toutes corniches excepte la couronne (comme dict noſtre aucteur) ſe monſtreront touſiours bien, ayantz leurs proiectures com me leurs haulteurs.





**E**T pource que les ouuraiges de Rome se trouuent moult diuers des escriptures de Vitruue, a ceste cause ie formeray vne aultre coulõne & dessusicelle son Architrabe, Frize & Corniche, contenant ensemble vne quatriesme partie de la longuer dicel le colõne. Laquelle quatriesme partie diuisee en dix, les trois serõr pour l'Architrabe desparty en la maniere deuadiste, trois aultres partz serõr pour la frize curue, & les quattres pour la corniche, laquelle diuisee en six, lune sera pour le denticule, vng aultre pour la cimaise soubstenant les mutiles ou modigliõs, & deux dõnera on ausdictz mutiles, vne pour la courõne, & la deriniere a la Scime. La proiecture du tout sera pour le moins cõe sa haulteur. Et telle semblable corniche fut trouuee en Rome a Santa Sabina, en vng ordre Ionicque.


**E**T si aucunesfois estoit necessaire esleuer la coulõne sans contraincte ou necessite d'aucunes choses a lentour, Par ainsy sera la proportion de ce piedestal, que son front ou deuant soit pareil au plinthe du bas de la coulõne. La haulteur du plat sera dung quarre & demy, Lequel diuise en six, lune dicelles adioustera on pour la corniche de dessus, & vne aultre au bas de desoubz, que contiendra le tout ensemble huit mesures. Et par ainsy viendra ledit piedestal proportionne a la coulõne ausy de huit mesures, le tout sentend tousiours en general, laissant souuẽt plusieurs choses au vouloir de Larchitect.






## DE LA IONICQVE.

**P**AR la grande difference que ie trouue es choses de Rome , a celles que Vitruue descript, iay voulu demonstrier aucunes des plus euidentes & congneues, lesquelles encore pour le present vne partie se voiron en œuvre . La Corniche , Frize , & Architrabe , signee par T, est au Theatre de Marcello, en l'ordre Ionicque sur l'œuvre Doricque . Le Pilastre avec son Base dessus, marque per T, est au mesme ordre soubz la coulomme Ionicque. La Corniche pour imposter d'ung arcq, signe par T, est aussi en celluy ordre, & soubstient l'arcure. La corniche avecques les Mutiles marquee per A, fut trouuee a saint Adrian & saint Laurens a Rome. L'architrabe signee de F, fut trouuee Nel Friulle, Lequel Architrabe a cause quil ha ses trois fascies sans Astragales le iuge estre ionicque. Quant aux mesures de ces presentes n'en faietz mention. Car par grande diligence l'ay transporte du grand au petit, lesquelles mesures sont facile a trouuer par le compas.




Combiē que le Thiromate Ionicque (qui est lhuys) descript de Vitru. a mon semblār ne vient a estre proportiōne, correspondāt a le difice cōe biē appartiēdroit, pource ne laisseray ie a en traicter aultāt que ien puis entēdre. A ceste raison ie diz que le texte de Vitru. sen raporte, quāt a la haulteur du iour, au thiromatū ou lhuys doricque. Cest (cōe dict est) que depuis le pauemēt iusques au lacunarii, se fera .iii. diuisiōs & demye, & ou la croix est sentend lacunarii, les .ii. parties dicelles sera pour la haulteur du iour, dequoy la courōne demeure fort puisante, cōe celle ausy du doricq; Mais il ensuyt encor vng aultre erreur, cest que de faire la porte ou huys de cinq parties en haulteur, & mesūr. .iii. dicelles embas, ainsy que le texte de Vitru. faict mentiō, en restrōi-  
 sissant au superieur cōe au doricque. Par ce ie trouue la latitude dicelle venāt plus large que len tre coulōne du mitant, faissant vng temple de .4. coulōnes, de telles mesures que Vitru. au .3. liure prescript, cōe iay cy desoubz mis par figure. A celle fin quon voie la correspōdance de cest huys a leur temple, leq̄l a mon semblār ne cōcorde, & ce pour cause, Car si la porte ou huys de doricq; duquel lordre des coulōnes sont de plus basses statues que celles de Ionicq; est de deux quatre & quelq̄ petit surplus, le diz que lhuys de Ionicq; duquel les coulōnes sont plus haultes, appartiēt ausy le iour dicelluy estre a laduenāt de plus grāde haulteur q̄ de celluy du doricq; Neātmoins il en a moins selon Vitruue, lequel dict, cinq mesures en haulteur & trois de largeur, touteffois le tout soit dict en reuerēce dū si grād aucteur, Nonobstāt en prenāt les ptes de Vitru. qui mieulx viendrōt a propos, formeray vne aultre figure cy decoste sans restrōissimēt de la part den hault, Ceulx qui a leur desir voudront dimi-  
 nuer, riengne lordre de lhuys doricq;.





## DE LA IONICQVE.


**L**E dix que le iour de cest huys pour le moins sera de deux quarrez en haulteur, L'antipagmente ou pilastre tiendra d'icelle haulteur la douzieme partie, fait en la maniere comme est dict de Lepitile Ionicque, & luy sera adioinct les Astragales ainsi qu'en la figure F, est demonstre. La Frize dessus le Supercile si on la veult entretailier sera vne quatrieme partie plus haulte que ledict Supercile, & si on la laisse vnie, sera vng quart maindre. La couronne avecques les autres membres sera de haulteur semblable au supercile, sicome en la figure F. Les Ancones ou Prothirides, qu'on dit, i cartelles seront au superieur de telle largeur que le Pilastre, mais l'inférieure partie venant adormir au ratibu de l'haulteur du iour, seront restroisie la quatrieme partie, desquelles les fueilles pendent, comme lon voit en la figure. Ceste partie du cercle estant en lieu du fastige sa haulteur se fera, que posant l'une des piedz du compas sur le coing de la scene en la superieure partie, & l'autre pied sur l'autre coing, & de l'ung desdictz piedz tumbant embas iusques sur le point de la croix, & puis de l'autre pied tirer la ligne circulaire, qui sera la haulteur d'icelle partie. Laquelle maniere de fastige quant a le ainsi faire ou non, tousiours repolera au bon semblant & vouloir des Architectz. Ceste presente pourroit aussy seruir a fenestres ou autres aornementz.



**D**E ceste porte sera mis le iour en double proportion, cest de deux quarrés: le plat des Pilastres aura lhuictiesme partie de la largeur du iour, & la colonne deux fois ausy grosse, laquelle sera restroissie en la superieure partie la sixiesme part: sa haulteur avec Base & chapiteau sera de neuf grosseurs, obserue les mesures deuandées. Et combien q'icelles colonnes tiennent q'q' peu plus q' la predite reigle, n'est pourtât chose a mespriser, par ce q' les deux tiers seulement forrēt du mur, & ausy ne supportāt nulz grand poiz sinon le Frontispice: Pareillemēt ladicte colōne outrepasfant les .9. mesures par aucuns accidētz ne seroit nullemēt a blasmer, car seullemēt est elle mise pour decoration & aor

nement, & veaut ausy quelle est liee en dedens le mur. La haulteur de Lepistile soit cōme celle du Supercile: Si la frize sentretaille, on la fera de plus grāde haulteur ainsi que dict est: demeure elle sans taille, tāt plus sera Base.

La corniche sera haulte cōme Lepistile ou Architrabe, & de l'autre reste des mēbres lon en fera ainsi q' dict est au commencement de ceste ordre. Le frōtispice sera au uoloir des architectz de le faire en haulteur pl<sup>us</sup> ou moins par aucunes des reigles cy deuant donnees. Et de ceste inuention se peult seruir l'Architect en plusieurs & diuerses choses. Pareillement lon peult faire haultier & charger le iour, selon l'opportunitē & necessite, mais sil n'est ad ce contrainct, ie priseroie tenir ceste maniere.






## DE LA IONICQVE.

**C**ombien que iaye ioinct ceste presente avec lordre Thufcane, & non seullemēt en plusieurs places applicquee a la Thufcane, mais pareillement meslee avec le Doricque, Parquoy iay pense aussy de le mesire au Ionicque. Neantmoins icelle n'est a faire en toutes edifices qui sont formee de lordre Ionicque sinon par bon propos, & raisonnable. Comme pourroit estre hors sur les champs ou villages, ceste ordre ne seroit a mespriser. Semblablement en vne ville pour vng edifice dung homme lectrez, ou marchant se pourra comporter. Mais en quelle place qu'on la voudra faire, & en maniere dune faillie ou gallerie, poser cest ordre dessus, sicomme lon aparceoit cy desoubz en ceste platte forme. La proportion de ceste oeuvre sera, que la haulteur du iour iusques au desoubz de larcure soit de deux quarrez. Et le pilastre lhuictiesme partie de la largeur du iour. la Coulomme contient dicelle largeur la quatriesme partie, mais sa haulteur avec Base & Chapiteau fera de neuf grosseurs. Larcure du demy cercle, sera diuise en treize parties & vng quare, pource que la pierre du mitant contiendra vng quare plus que les aultres. Larchitrabe, Frize & Corniche, seront ensemble la cinquiesme partie de la Colomme, lesquelz trois membres lon diuiera en vnze egales parties, Les quattres seront pour Larchitrabe. Trois pour la Frize, & quatre pour la Corniche. La haulteur du Podie sera dune demy largeur du iour, la Corniche & la Base peult on prendre en la forme qu'est demontree au piedestal ou stilobate cy deuant proportionne. Mais laultre Base, Chapiteau, Architrabe, & Corniche, fera on sicomme au commencement est mentionne. Quant a la noix serrant larcure, & des aultres penantz qui enuironnent le centre, & de ceulx qui sceindent les Coulomnes, se fera comme il appert en la figure precedente.









## DE LA IONICQVE.

**N** Onobstant que la haulteur de ces arcures ne font de double proportion, sicomme la pluspart des aultres que iay cy deuant demonstre. Toutefois n'est telle semblable œuvre nullement corumpue ny faulce, mais est ainsi faicte d'entendement & discretion, pource que aucunes fois pourroit escheoir, que en la compartitiō d'une face, par l'obediēce de quelque haulteur necessaire, & pour aussi faire les arcqz nomper, quelz tousiours veullent ainsi estre faict, pour asseoir au mitan la principale porte, laquelle en tel cas ne pourroit venir a telle haulteur. Mais quāt nous ne sommes cōtrainctz d'aucune necessite, tousiours priferoie ie plus la double haulteur que nulles aultres proportiōs. La largeur doncques d'entre lung pilastre a l'autre, serōt trois mesures, & la haulteur de cinq: mais apres la largeur diuisee en cinq, sera le pilier entier (qui cōprend deux pilastres) de deux parties: & la grosseur de la colōne sera d'une partie, & par ainsi serōt les pilastres chascun d'une demy grosseur de colōne: pareillemēt autant en aura l'arcure, & semblablement le mesme aura l'imposte ou chapiteau du pillier en haulteur soubstenant l'arcure, forme en forte telle cōme au Theatre de Marcello, signe par T, est demonstre. Les colōnes seront avec Bases & Chapiteaux de neuf mesures, & faictes selon la reigle donnee au cōmencemēt de ce Chapitre. L'huy du millieu sera d'une demy largeur d'entre les deux pilastres, sa haulteur se trouuera ainsi, quant son antipagmēt sera faict d'une sixiesme partie du iour, & la corniche semblable a loeil de l'imposte assize dessus, & adioinct sur icelle la Scime, faisant apres la Frize moindre d'une quatriesme partie que l'antipagmente, par ainsi se trouuera la haulteur d'elle mesme: laquelle ne viēdra guere mains de deux quarrez. Le frōtispice se fera selon lung de ceulx qui font au reigles du Doricque. L'architrabe frize & corniche soiēt en haulteur la quatriesme partie d'une longueur de colōne, faictz selon la deuandiste reigle donnee. L'ordre de dessus sera moindre ou plus bas la quatriesme partie, & ainsi sera l'architrab. frize & corniche vne cinquiesme partie dicelle haulteur, laquelle viēdra a la quatriesme partie d'une haulteur de colōne: mais quant au compartement ou diuisiō des particulieres mesures, lon les trouuera parfaitemēt & ample en l'ordre Composit. Les fenestres faictes avec les arcures, auront telle largeur cōme l'huy, semblablemēt les pilastres avec les arcures, & leurs haulteurs seront de deux quarres & demy, & cecy est pour donner plusgrāde lumiere aux mansions. Les colomnes seront plattes, & la quatriesme partie plus courtes que celles de desoubz. La largeur des nichetz entre les colōnes & les fenestres serōt d'une grosseur & demye de colōne, & la haulteur de quatre grosseur de colōne. Et sil restēt encore quelques diuisions, avec ce yra on tousiours prendre secours a la premiere reigle de son ordre, car de ceste Corinthe trouuera on la mesure au cōmencemēt de son d'ordre. Dessus icelle ordre pourroit on faire (qui vouldroit) vng pourmenage ou allee, bien assuree des eaues, & que la haulteur de la puymēt dict Podie soit de bōne & ayfible haulteur pour sapuyer ou a reposer les bras dessus, laquelle face demonstreroit grande decoration, & feroit grande commodite aux habitans dicelle.









## DE LA IONICQVE.

**A** Vlcunefois comme iay encor dict, Larchitecte pourra trouuer bon nombre de colonnes, mais par aduenture si bas quelles ne pourront satisfaire a la besongne. Si ainsi est, que dicelle ne se scait ayder & telz membres appliquer a la pertenance de l'edifice que voudra faire, & pource si la haulteur de la gallerie monte plus haulte que les coulomnes, lon pourra au milieu de la facie faire vng arcure, qui sera soubstenu de larchitrabe qui viendra sur les coulomnes, lequel Architrabe seruira pour imposte dune arcure: mais la ou larcure sera, se fera vne croiseure ainsi que veez au plant cy desoubz. & pour assurance & fortification de loeuure, soit sur chascune coulombe posee vne clef de fer ou de metal, comme dist est au Doricque. Les diuisions de ceste face seront telles, que l'entrecoulombe du milieu soit de six grosseurs de coulombe, & la haulteur desdictes coulombes avec Base & Chapiteau soient de huit mesures. Larchitrabe contiendra autant comme la grosseur de la coulombe en la partie superieure, la mesme aura larcure: sur lequel lon fera vne Corniche, & la haulteur d'icelle soit la quatriesme partie maieure que l'Architrabe, sans le thore de desoubz avec son fillet: de laquelle corniche se feront aussi les chapiteaux des piliers estant sus les coulombes, & seront iceulx de la mesme largeur come les coulombes d'enhaut. Les entrecoulombes des costez doibuent estre en latitude de trois grosseur de coulombes. L'altitude ou haulteur de la porte ou huys, sera que l'architrabe soubstenant larcure seruira de corniche sur icelluy huys, en rechangeant quelque partie de ces membres, sicomme lon aperceoit en la figure. Soubz ladicte corniche est pble vne frize, laquelle sera la quatriesme partie maindre que l'architrabe, & le supercile avec son pilastre de la mesme haulteur. Mais aultat que contiendra l'espace depuis le desoubz du supercile iusques au degrez, de la mite d'icelle sera la largeur de l'œuerture de lhuys, & ainsi sera le iour de deux quarres. Les fenestres soient egales ou bout du iour dudit huys en la partie d'enhaut, & leurs largeurs de deux grosseur de coulombes: leurs haulteurs sera prinse en ligne diagonale. La seconde ordre sera la quarte partie moindre que la premiere, & apres auoir fait le Podie ou apuyement de raisonnable & aysee haulteur ce qui reste se partira en cinq. le quatre parties seront la haulteur des coulombes, & l'autre pour l'architrabe, frize, & corniche, obseruant tousiours la mesure donnee de ceste ordre. La largeur de la fenestre du milieu, sera contenant avec son l'antipagme, autant que le iour de lhuys est large, & icelluy iour dicelle fenestre tiendra deux largeurs de l'œuerture: en l'aornement de dessus y sera on de semblable reigle donnee. Les fenestres des costez seront large comme celles de desoubz, & leurs haulteurs seront egales a celle du mitant. Leleuation ou esleuement de dessus ceste deuxiesme ordre sera aussi la quatriesme partie maindre, & chascun membre diminue a l'aduenant. Quant au iour d'icelluy soit tenu la premiere ordre de desoubz, & touchant de faire ou non ce troiziesme ordre est a la vouldte & plaisir des Architectes.








## DE LA IONICQVE.

**E** Stant doncques, comme iay declare au comment  
 cement de ce liure, la maniere du Ionicque prinse  
 en forme feminine ou matronale, encore est chose  
 aussy conueniente & duysable, ayant a faire  
 vne cheminee de ceste ordre, de ymiter  
 & adioindre ceste espece, de laquelle  
 le la proportion sera telle, Apresauoir  
 prins la haulteur de l'oeuerture, que de-  
 puis le planchier qui est le bas iusques au desoubz  
 de l'architrabe soit comparty en huit egales parties,  
 & seront icelles a limitation des coulomnes, desquelles lon  
 formera ceste monstreuse ou entremeslee figure, conformee  
 en telle maniere, laquelle seruira pour Modiglions. L'architrabe,  
 Frize, & Corniche, sera d'icelle la quatriesme partie en haulteur, ainly que  
 deuant est dict. Lepitaphe ou tablette reposant sur les Chapiteaux, qui occupe  
 l'Architrabe & la Frize, ie croy que les Antiques pour auoir spatieuse place a escrire  
 quelques lectres ontz souuentefois vse, & aussy pource quilz desiroient la nou-  
 uelle: Laquelle table de la faire ou non, sera tousiours au bon vouloir de  
 l'architect. Le second ordre avecques les daulphins est fait pour deux  
 causes, lune est pour plus grande oeuerture de la bouche recepuant  
 la fumee: l'autre est pour oster la forme Piramidale, laquel-  
 le fait en vne chambre la gueule d'une cheminee de  
 raisonnable & bonne haulteur, touttefois seront  
 tousiours les choses a la liberte des Ar-  
 chitectz, de les faire maieur,  
 mineur, ou de les  
 non faire.








## DE LA IONICQVE.

C Este aultre maniere de cheminee vient fort aysement pour quelque petite place, & se vse de plus basse haulteur que la face de l'homme, a celle fin que le feu fort nuisant a la veue de la personne, puisse chauffer la reste du corps sans icelle offenser. La larguer de ceste cheminee soit vng quarre parfait. Le Pilastre, sera de la largeur dicelle, vne sixiesme partie: & la Cimaife de la septiesme part du Pilastre, De la reste se fera douze diuisions, les trois donnera on a la premiere fascie, quatre a la seconde, & cinq a la troiziesme. Et peult on aussy pour plusgrand enrichissement faire les astragales, comme lon voit cy au coste. La haulteur des volutes soit de la mesme haulteur de trois fascies, expulsant la Cimaife, & icelles volutes diuiser en trois egales mesures, lune sera pour la frize avec la canelature. Laultre pour lechine avec lastragale & filler, & la tierce lon donnera aux volutes, lesquelles penderont au costez egales a la Cimaite, mais les fueilles tumberont iusques a la fin de larchitrabe, la haulteur de la couronne avecques les deux Cimaifes, & Scime, contiendront ensemble aultant comme la seconde & tierce fascie avec leurs Cimaifes. Mais la proiecture dicelle couronne soit comme la haulteur de tout. Les Cimaifes & Scime tiendront tousiours leurs carreures. Telle semblable forme ay ie fait mestre en oeuvre, & plaist fort bien a vng chascun. Et ainly que dict est de la preterite, se icelle escheoit (a cause de sa plantureufete) trop spacieuse, par ce lon pourra faire le pilastre dune huietiesme partie de la largeur de louuerture. Et ainly se trouuera en elle mesme plaissante & agreable. La partie que dessus est mise pour decoration se fera au plaisir & volunte de Larchitect. Et est notoire que icelle cheminee sentend estre le tout en l'espaisseur du mur, & duyroit bien cest aornement a quelque huys ou fenestre de tel ordre.



FIN DE L'ORDRE IONICQVE, ET COMMENCE LE CORINTHE.






## De l'ordre Corinthe avec ses aornementz.

### CHAP. VIII.




Itruve au.iiii. Lib. Chap. i. traicte seulement en ceste Corinthe du Chapiteau, quasy fil vouloit dire, Lediçt Chapiteau estre pose sur la coulomme Ionique seroit vne œuvre Corinthe. Et combien quil denote au.ii. Chapitre, la deriuacion des Modiglions de la Couronne, toutéfois ne donne il d'aucuns aultres membres nulles reigles ny mesures. Mais les Romains Antiques fort se delectantz en ceste espee Corinthe (côme aussy des aultres) faisoient les Bases de ceste coulomme fort sumptueus d'enrichissemēt & de plantureux membres, desquelles Bases pour en donner aucune reigle, ne celeray vne des plus triumpantz des edifices de Rome, Cest le Pantheon, appelle Nostre dame la ronde, & illec metant toutes les mesures. La Coulomme Corinthienne avec Baze & Chapiteau pour vne reigle generale fera on de neuf parties en haulteur, de laquelle le Chapiteau sera hault d'une grosseur de coulomme embas, & sa Base d'une demy gros seur d'icelle. Et ceste demy haulteur dudiçte Base se partagera en quatre egales diuisions, l'une donnera on au Plinthe. Les aultres trois se partissent en cinq, l'une desquelles fera pour le Thore de dessus, & celluy de desoubz sera la quatriesme partie maieur. Ce que doncques est restant, soit mis en deux egales parties, l'une d'icelles baillera on au Trochille ou Scotie inferieure avec son Astragale & les deux filletz. Lediçt Astragale fera de la sixiesme part dudiçte trochille, & chascun desdictz fillet d'ung demy Astragale. Mais le fillet sur le Thore inferieure soit de deux tiers: pareil lement lon diuifera laultre partie en sorte que l'astragal. sera dune sixiesme, & le fillet de la moitie, mais le fillet soubz le Thore superieur sera la troiziesme part plus grant que laultre. La proieçture du Plinthe, si elle est posee sur quelque aultre ordre de coulommnes, on le fera semblable a celluy du Ionique, mais si son assiette se fait sur son fond, lon fera sa proieçture cōe celle du Dorique. Et aussy selon la place ou lesdictz Bases seront assiz, conuēt a l'Architecte sur ce prendre regard & aduis cōme deuant est diçt. Car quant icelle Base sera pose au desoubz de la veue il viendra tres bien: mais est il surmonte de la veue, tous les membres occupez des aultres a cause de la distance, les conuendra faire plus grandz que la reigle donnee. Quant aussy on les voudra asseoir fort hault, de tant plus doibuent iceulx membres estre moins, & de plus grande corpulence: & en ce fut l'Architecte de la Rotunde fort expert ingenieux, cōme de meître soubz les coulommnes de dessus le premier ordre au dedens biē deux Trochilles, mais avec vng Astragale seullemēt en lieu des deux.





A deriuatio du Chapiteau Corin-  
thien fut d'une pucelle de Corinthe :  
mais pour ce que Vitruue au quatrief-  
me liure Chapitre premier descript  
de sa deriuatio, a celle cause ne m'em-

pescheray plus aduant d'en faire narratiõ. Neant-  
moins ie veulx bien dire que si lon auoit a faire  
quelque Temple pour la vierge Marie, ou pour  
autres Sainctz ou Sainctes de vie virginal : pa-  
reillement quelques maisons ou sepulchres pour  
aucunes personnes de nete chaste & honneste  
vie, l'on pourroit vser de ceste maniere. De ce cha-  
piteau doncques sera la hauteur comme la gros-  
seur de la coulomme embas, & l'abacus soit la sep-  
tiesme partie d'icelle hauteur : de la reste se fera  
trois egales diuisions, l'une pour les feuilles infe-  
rieures, la secõde pour celles du milieu, & la tierse  
pour les Caulicules ou Volutes ainsi que appeler  
les voulons : mais entre lesdictz Caulicules &  
feuillages du mitant soit garde vne espace pour  
les petites feuilles, desquelles croissent & sortent  
lesdictz caulicules. Le chapiteau nud signe par B,  
sera au desoubz aultat gros come est la coulomme,  
en la superieure partie. Et soubz l'Abacus se faict  
vne Cinctẽ, de laquelle sera la hauteur d'ung de-  
my Abacus, duquel Abacus estre faict trois par-  
ties, l'une fera la Cimaile avec son fillẽ, & la reste  
pour le Plinthe. Desoubz les quattres coings du-  
dict Abacus viendront les plus grandes caulicules,  
& au milieu de l'Abaco soit faict vne fleur de la  
mesme hauteur dicelluy, soubz laquelle fleur se  
receperont les petites caulicules, & au desoubz  
tant d'icelles comme des grandes, viendront ioin-  
dre les feuilles du mitant, entre lesquelles naissent  
les petites feuilles, & hors d'icelles sortent les cau-  
licules ou Volutes. Les feuilles tant du milieu  
comme celles d'embas feront chascune en nom-  
bre de huit, estant assiz sicomme la figure de C,  
le demonstre. La largeur de l'Abacus d'ung des  
coings aultre sera de deux Diametres, de gros-  
seur de la coulomme embas, lequel Diametre mis  
en careure, & au dehors dudict tirer vng cercle qui  
touchera les quatre coings, & puis apres de re-  
chief faire de ce grand cercle vng quare & com-  
party en Diagon, se trouuera icelle ligne de deux  
Diametres, ainsi que le Texte de Vitruue le de-  
clare. Mais de la ligne B, C, sera on vng parfaict  
triangle, & sur le bout X, sera le point pour en-  
cauer l'Abacus, & de l'espace du grand cercle en-  
tre le petit sera quatre diuisions faicte, vne d'i-  
celle demeurera dessus A, & les trois seront ainsi  
emportees, que l'ung des pied du compas mis sur  
le point X, & l'autre sur le point A, & ainsi cir-  
cuyant de B, a C, & la ou les lignes creues tou-  
chent au deux costez du Triangle, la sera la deter-  
mination des coings du Chapiteau. L'exemple est  
en la figure D, & en ceste maniere viendra l'Ab-  
acus en perpendicule avec le Plinthe de la Base.



D, grosseur de la  
coulomme embas.

Fleur  
Cimaile  
Abacus  
Caulicules.  
Feuilles moindres  
Feuilles moyenes  
Feuilles d'embas


C, grosseur de la  
coulomme en hault




## DE LA CORINTHE.


**Q** Vant a larchitrabe frize & corniche de ceste corinthe, ainſy cōe iay diēt au cōmencemēt de ce chapitre, ne'n dōne Vitru. aucunes meſures combien quil meēt lorigine des mutiles, leſquelz mēbres ſe peultēt faire en toutes manieres ſicom me lon voit aux anticquitez, mais pour proceder modereemēt ſans aller hors du texte de Vitru. ie poſeray ſur ce chapiteau laornemēt Ionicque adiouſtant a larchitrabe les aſtragales, & vne echine ſoubz la courōne, ainſy que ont faiēt en Rome aucuns architectz modestes. Parquoy ie dis larchitrabe eſtre faiēt ſelō que diēt eſt au Ionicque deſoubz la faſcie du milieu ſe fera vne aſtragale de lhuicteſme partie de ladiēte faſcie, & ſoubz la faſcie ſuperieure auſſy vne de lhuicteſme part de ladiēte faſcie, entretaillie cōe lon voit. Apres quant la frize avec ſa cimaiſe eſt poſee, & au ſurplus le dētille avec ſa cimaiſe, lon poſera leſchine deſſus de telle haulteur cōe la premiere faſcie, laſſle par ſa proie dūre & entailleure ſe moſtrera pluſgrād q̄ la faſcie du milieu, deſſus icelle echine meēt on la corōne cimaiſe, & ſcime, en la maniere q̄ diēt eſt au Ionicq̄.

**E** T pource que aucū architectz Romains procedāt quelque peu plus hardiemēt, nōt ſeuille mēt aſſiz lechine ſur le dētille, mais faiſoiēt mutiles & dētिल्z enſemble en vne corniche, laſſle choſe eſt de Vitruue fort meſpriſee au .4. liure, chap. .5. pource que les dētिल्z reprēſentēt aucū petit creneaulx appelle de Vitru. Aſſeri, & les modiglōs ſont eſte fōde a limitatiō d'aucū aultres boutz de bois nōmee dudiēt aucteur, cāterii: leſquelles deux ſortes de petit ſommees ne peultēt duyre enſemble en vne place, & moy pour ma pſonne ne voudroie iamais ſupporter dētिल्z & mutiles en vne meſme corniche, cōbien que rome en eſt habōdāt, & pluſieurs places d'Italie, mais modereemēt pſeuerāt en tel ordre, ie trouue vne generale reigle, qui eſt, q̄ la colōne, avec baſe & chapiteau ſoiēt diuiſe en 4. & lune dicelle baille on a larchitrabe frize & corniche, & telle haulteur ſaccorde avec le doricq̄; ceſte .iiii<sup>e</sup> partie dōc ſe diuiſera en 10. trois ſerōt pour larchitrabe, cōparty cōe deuāt eſt diēt: trois pour la frize & .4. pour la corniche; & ces .4. diuiſee en neuf, lune ſera pour la cimaiſe que eſt deſſus la frize. 2. dōnera on a lechine avec ſon filler .2. pour les Mutiles avecques leurs cimaiſes, aultre, 2. pour la courōne, & les .2. derniers ſerōt dōnees a la ſcime avec ſa cimaiſe, laſſle ſera de la 4<sup>e</sup> partie de ladiēte ſcime, la proiecture de chaſcun mēbre ſoit cōe diēt eſt: lon porra auſſy faire ceſt architrabe, frize & corniche de la 5. partie, de haulteur de la colōne, ainſy que Vitru. mentiōne du theatre, au liure. 5. chap. 7.








**L**A diminution de la Coulonne Corinthe se fera ainſy que dict eſt des aultres, & auſſy ſelon quelle ſera en haulteur: de ſeize piedz embas ſera admoindre, en la ſuperieure partie la ſixieſme part avec la reigle donnee: & ſi elle eſt ſtriee ou canelée, la ſera on comme celle de Ionicque: mais depuis la tierce part embas, ſeront plains, ainſi que lon voit a ce quanton, du coronement, qui eſt ſans Mutiles, ſera l'Architrabe d'une moitié de groſſeur de colonne: La Friſe, veu quelle eſt entretaillee, viendra la quatrieſme partie pluſ haulte que l'Architrabe: & la Corniche ſans la Cimaſe de la Friſe ſera haulte cõe ledict Architrabe: la haulteur de tout enſemble, ſera quelque peu moins que la cinquiemeſme partie de la longueur de la colonne. ne-  
autmoins ſi la proieſture de la couronne eſt fort ſaillante, elle ne ſen demonſtrera que pluſ haulte, & ſera a l'edifice de moindre poix. Parquoy l'Architecte entendu & expert peult touſiours choiſir les meſures que myculx luy duyrõr. Pourueu quil ne ſorte hors la leçon de Vitruue, & des bonnes anticquitez, deſquelles par ſes deſcriptions on en ha la congnoiſſance. Pareillement ſil aduenoit auſſy que par quelque accidẽt icel le colonne eut affaire d'une ſienne proportionnee ſtibolate, n'ayant a obediẽr a nulles choſes, ainſy ſera la proportiõ d'icelle, que la largeur ſoit diuiſee en trois, & deux d'icelles ſeront adiouſtez pour la haulteur, qui ſera vng quarre & deux tiers, l'entendz le plat, laquelle haulteur ſe diuiſera en ſept egales parties, & vne ſemblable d'icelles baillera on au Baſe, & encore vne pour la Corniche de deſſus, & par ainſy ſera ledict Stilobate ou Piedeſtal proportionne a la Coulonne auſſy de neuf meſures. Et quant des particuliers membres des Baſes & Corniches, cy apres en demonſtreray par aucunes Antiques, deſquelz on pourra tirer telles meſures que myculx viendront a propos.











## DE LA CORINTHE.

Entre les aultres Antiquitez d'œuvre Corinthe qui se voyēt aux Itales, me semble que le Pantheon de Rome & l'arc triumphal qui est sur le port Danconne, sont des plus belles & des my-eulx entendues, Duquel Arc le chapiteau cy defoubz figure par A, est proportionne en diligence apres le grād: la haulteur duquel va quelque peu hors des escripts de Vitru. Neātmoins il a pour-tant bonne correspondāce, & peult estre que l'intention dudit Vitru. est, que la haulteur du chapiteau soit dune grosseur de colōne sans l'abacus, & que en cest endroit le texte est corūpu, pour ce que ie nay trouue seullemēt ce chapiteau, mais plusieurs de ceste proportion. les coulōnes de ceste arcq sont canellez ainsi qu'on voit. Le piedestal avec le base dessus est mēbre dicelluy arcq proportionne en petit. La Corniche cy de coste designee p A, fut trouuee al foro transitorio en Rome, & est forte modereemēt faicte pour corniche Corinthe sans modigliōs. Celle marque B, est vng petit plus hardie, mais celle signee p C, est la plus malplaisante pour les doubles mēbres qui viennent foubz la courōne embas qui cause la mauuaise grace dicelle, & que la courōne avec tāt de corniches a trop peu de faillie. Le bas dung piedestal D, est fort beau a mon aduis, & ausy ie iuge le basement signe par E, estre vne chose qui a cōtinue a quelq edifice. lesquelles choses toutes ensembles peult on appliquer en lordre Corinthe: & au Ionicque ay ie ausy veu les semblables. Larchitabe V, est en Verone a vng arc triumphal, duquel les fascies en effect sont contraires aux escriptures de Vitruue, Neantmoins lay voulu cy mētre pour demonstrier les differences.









## DE LA CORINTHE.

**Q**uant aux huys de ce Corinthe n'en traicte Vitru. nullemēt, mais ie iray aux Antiques, lesquelles encor pour l'heure l'on voit en estre. La porte ou huys signe par S, Y: est a Tiuoli sur la riuere Aniene, en vng rond tēple d'œuure Corinthe, lequel huys est diminue en la superiorite la dixhuitiesme partie: la haulteur passe deux quarrez: la reste des mēbres est proportionne apres le grand. La fenestre T, X, est au mēme tēple, au dessus diminuee cōme la porte. Les Pilastres ou Antipaginēte, sont ensemble de proportion, lesquels par le cōpas legieremēt trouuer lon pourra.

L'huys suyuant signe par P, Z, est celluy du Pantheon a Rome dict la rotunde œuure Corinthe, lequel ha vingt palmes Antiques en largeur, la haulteur. xl. L'on dist ausly que l'Antipagmente est tout dune piece, dequoy nay veu le contraire. L'antipagmente doncques de ceste huys est de lhuytiēme partie de la largeur du iour, & est par ses flans de tresbōne grosseur. Mais pourtant que veoir on ne peult le front d'icelluy sans vne partie des costez, semble pource aux regar dans estre plus large que en effect elle n'est. Et cest huis (a cause de sa grande haulteur) vient a perpendicule & non diminuee comme les deuandies. Tous les aultres membres sont proportionne apres le grand: la Base de dessus la porte ou huys, est ycelle des colonnes plates, dessus la premiere ordre, laquelle iay allegne au Corinthe.









## DE LA CORINTHE.

**C** Est huys cy desoubz forme, est a Palestine, pour lleur appelle Pelestina, & est oeuvre Corinthe duquel louverture est de deux quarrez, Lantipagmente ou pilastre est dune fixiesme partie de la largeur diuise en la maniere que dict est, La Frize, est la quatriesme partie plus haulte que le supercile. La couronne avec la reste contient aultant comme ledict supercile, com party ainsi qu'on apparceoit en la figure, les Prothirides ou Ancones avec leurs appartenances pendent si basses comme lon voit. Le frontispice se faict, ainsi que dict est en l'ordre Dorique en la seconde face.




**C**ombien que ceste porte ou huys soit differente a tous aultres que iamais aye veu aux Antiques, si est elle touteffois fort plaifante & demonstrable a loeil, laquelle porte ou huys est de Spolete enuyron vne demye lieue hors du grand chemin, a vng Temple Anticque d'œuure Corinthe. Et de la proportion d'icelle ny de ses membres n'en parleray plus auant, car qui cherche de pres, pourra le tout trouuer au compas.





## DE LA CORINTHE.

**D**E ceste Corinthe, laquelle est agreable a vng chascū, formeray plusieurs sortes dedifices en donnant dicelles aucunes reigles generales, pour plus satisfaire a ceulx qui de mon labeur se delectent. Et pource que les anciens Architeciz, lequelz voulurent que leurs choies fussent a perpetuite, faisoient les Pilliers (auquel les pilastres sont enserres) qui soubstienent les arcures de bonne espaisseur. A ceste cause ceste sequēte face ha le pilastre, alcauoir, le corps entier de front semblable a la largeur des arcures, mais sa grosseur tient la quatriesme partie moins. La grosseur des coulomnes seront dune sixiesme partie du pilastre. les Nichetz d'entredeux les coulomnes, seront large deux grosseurs de coulomme. Leurs haulteurs seront quelque peu moins que de deux quarrez. La haulteur des piedestalz sont de trois grosseur de coulomme. La haulteur des arcures fera on de deux quarrez. La haulteur des coulomnes, bases, & chapiteaux, seront de neuf parties & demy. La largeur de larcure avec les pilastres, se fera dune demye coulomme. L'imposte qui soubstient larcq sera de la mesme haulteur fait en la sorte comme celuy du Theatre de Marcello en lordre Ionicq, laquelle imposte seruira sur lhuys de corniche. La haulteur du dict huys fera on en ceste mode, Que au desoubz de ladicte corniche soit le supercile fait de la mesme haulteur, & depuis la embas sera fait deux egales diuisions, iusques sur le degre, desquelles diuisions lune sera la largeur du iour. Pareillemēt la corniche de lhuys sera egale a celles des fenestres qui sont decoste, Et la cimaise du piedestal viendra ausy egale ment desoubz lesdictes fenestres. Le iour dicelles sera prins en diagonē, & lantipagmente de la sixiesme partie du iour. Les particuliers membres du Piedestal, Bale & Chapiteau, seront faitz sicomme est notoire au commencement de ceste ordre. Dessus les coulomnes assied on l'Architrabe, Frize, & Corniche comparty en la maniere cy deuant demonstree. La haulteur du deuxiesme ordre sera maindre ou pluscourte la quatriesme partie que la premiere. Et tous les membres ensuyuant diminuez comme en la figure lon peult apparcevoir & mesurer. Leleuation ou admortissement de dessus lequel ie n'estime pour vng ordre entier, mais beaucoup plusbas, la haulteur dicelle est cōme la largeur de larcure dembas. Et sa corniche laquelle sert d'Architrabe & de Frize, sera dune cinquieme partie de ceste ordre en haulteur. Lesquelles mesures prendre lon peult du chapiteau Doricque. Et pour plusgrand aornement pourra on poser dessus vng fastige, mais le mesme mis au mitant desfigureroit les petiz de dessus les Nichetz, si ce n'estoit doncques qu'on les laissast courir en rondeur. Par laquelle chose seroit l'oeuvre transmuier & delectable a loeil.







N.ii.



## DE LA CORINTHE.

**T** Ousiours quant l'Architect voudra edifier vng Temple, tant plus sera son fond ou pavement esleue de terre, de tant plus se monstrera magnifique: & ainly ont faictz les vrayz Antiques, combien quilz vsoient d'autres formes de Temples fortz differentz des enfuyans, car ilz ne faisoient qu'ung corps seulement. Mais entre nous Chrestiens nous faisons la pluspart de noz Temples en trois parties, ioinant vne partie au milieu, & deux aux costez: & aulcunefois se font Chappelles hors des costez, comme en la platte forme lon peult apperceuoir. La largeur de ceste face sera de trente deux diuisions, desquelles lune d'icelle sera la grosseur dune coulomme. L'entrecoulomme du millieu donnera on sept parties. Les grosses entrecoulomnes des costez seront chascune de quatre part & demye. Les entrecoulomnes de Nichetz auront chascune deux mesures, & par ainly seront les trente deux diuisions alleuees. Les arcures avec leurs Pilastres seront large dune grosseur de coulomme. La largeur de lhuys sera de trois parties & demye, & la haulteur de sept: l'imposte soubstenant larcure est auttant large comme ledict arcure. La haulteur des Piedestales seront de trois pars. La haulteur des colonnes avec Bases & Chapiteaux de neuf parties & demyes. L'architrabe, frize, & corniche, seront d'une quatriesme partie, de longueur de la coulomme, & quant au residu des particuliers membres restant, soit obseruee la premiere reigle. Touchant des fenestres, nichetz, & aultres aornementz, peult on comprendre en la figure, & mesurer. La deuxiesme ordre sera la quatriesme partie plus courtée que la premiere, & tous ses membres diminuez a laduenâr: mais l'architrabe, frize & corniche, seront diuisees en trois ega les parties, ainly que des aultres est mentionne. Le Fastige se fera en la sorte que Vitruue en l'ordre Dorique ha demonstre. Les deux costez seruant de decoration & de soubstenement, seront dune quatriesme partie d'ung cercle, desquelz le centre est A, & B, & vne chascune d'icelles choses peult on poser sur chascun arcure, qui diuise les Chappelles, qui sera grande soubstenance pour l'œuvre du millieu, & aussy par icelles se pourront conduire les caues du toict de dessus iulques sur les parties d'embas.









## DE LA CORINTHE.

**L**A diuision de ceste precedente oeuvre sera, que le pillier soit dune troiziesme partie de la latitude de larcure, mais la grosseur dune sixiesme partie. La grosseur de la coulomme sera de mesmes, Sa haulteur contenant Base & Chapiteau de dix parties & demye. Larcure, Pilastre, & Imposte seront dune demy grosseur de coulomme, La mesure dudit imposte peult on prendre du Chapiteau Dorique, en rechangeant les membres, Le mesme seruira ausly a lhuys de Corniche, & pareillement pour soubstenement des fenestres qui sont dessus les bouticles. La haulteur de Larcure (car souuentefois pour aucunes causes, les conuendra estre de si basse stature comme en la presente pouez apparecevoir) sera en largeur de trois parties, & cinq en haulteur, & par ainsi aura lhuys la mesme proportion. Lantipagmente sera dune sixiesme partie de la largeur du iour. Et sil aduient que Larchitecte vueille faire la haulteur de larcure de double proportion, viendra ausly lhuys de la mesme mesure: mais les colomnes appartiendroient auoir desoubz les bases vne grande pierre, ou Plinthe, desquelles choses les Antiques se sont aydez. La haulteur de Larchitrave, Frise, & Corniche, soient de deux grosseurs de coulomme, comparty ainsi que dict est au commencement des reigles, ou en la maniere daucunes Antiques cy deuant mentionnes. Et pource que l'espace de desoubz larcure iusques au pauement ou planchier qui egal est au dessus de la Corniche seroit trop grãde pour vouller en croix, a celle cause ie concluyroie de faire droitement derriere la coulomme vne arcure, & entre chascune espace vouller en mode de chaudrier ou chauderon, ainsi comme au plant lon peult apparecevoir. La haulteur du second ordre sera la quatriesme partie maindre ou plus courte que la premiere, & partie en ceste maniere, que le podie ou appuyemẽt soit en haulteur la grosseur de deux colomnes d'embas. Et de la a mont diuise en cinq, lune donnera on a Larchitrave Frise & Corniche, & les quatre seront pour la longueur des coulomnes. Les arcqz avec leurs pilastres, seront dune demye grosseur de coulomme. Du residu sera obseruee la generale reigle. Et sil aduient que icelle face soit sur quelque place ou marchie, sicomme par les bouticles des costez le demonstre, par ainsi se trouuera elle plus aysee & manifique de faire vne ligne, asscauoir vng appuyement dessus la superieure ordre: mais pour icelluy asseurer des pluyes, neiges, & gelleures, sera besoing sur toutes aultres diligences de faire vne voulfure, ou pauement bien serre, & venant au deuant en declination, pour causes des eaues, & seroit chose plus seure de couvrir tel pauemẽt de plomb. Com bien toutefois que les bons & vrayz Architectes desprisent, & fuyent vne coulomme ou pilier laquelle est posee sur vne place vaine, ce que pareillement ie ne prise. Neantmoins pource qu'ung tel subiect ay veu au portique Pompee en Rome, fait de l'oeuvre Dorique, ie m'ay biẽ voulu enhardier de mectre cy le semblable, pour si dauenture a quelcun pourroit seruir.







## DE LA CORINTHE.


**P**ource que les Venetiens en leurs fabricques fort se delectent en l'oeuvre Corinthe, & pareillement en plusieurs fenestres, & appuyement assez. A ceste cause en ay voulu icy former vne, laquelle est fort plantureuse de iours & d'appuyementz dict podies, & ay voulu aussi asseoir gallerie sur gallerie, lesquelles amainent plus grande commodite, que les saillies ou projections, & fera la fabricque de plus commodieuse representation, a celle fin que toutes les choses de dedens ou la veue se peult dilater, soient de plus grande satisfaction.

La compartion de ceste face sera, que la largeur diuisee en trente parties, & lune dicelle sera la grosseur dune coulomme, lentre coulomme du milieu sera de .iiii. diuisions, mais tout le residu des autres de trois, & par ainsi seront toutes icelles diuisions allouee ou distribuee. La haulteur des coulommnes seront de dix pars & demye, avec Bases & Chapiteaux. Larchitrabe, Frize & Corniche, seront ensemble la cinquiesme partie de la haulteur dune coulomme, iceulx membres diuise en la maniere que dict est. Les iours des fenestres seront en largeur dune coulomme & demye, toutes en perpendicule, depuis le hault iusques embas. Mais la haulteur des fenestres premieres soient de quattres diuisions, & trois de large. Et celles qui viendront dessus, auront leurs haulteurs en diagonale. La largeur de lhuys sera de deux grosseurs de coulomme, & .iiii. de haulteur. Lantipagmente, avec le supercile, frize, & corniche, seront parties comme des autres est dict. Et par ainsi viendra la Corniche de lhuys egale a celles des fenestres dembas. La secon de ordre soit plus bas que la premiere la quatriesme partie. mais les apuyemens ou reposementz avec les balustres, se feront de telle haulteur comme la largeur dune fenestre: la reste de la haulteur se partira en cinq, lune sera pour larchitrabe, frize & corniche, & les autres quattres seront pour la coulomme, contenant en soy base & chapiteau. La haulteur des fenestres, seront de deux quarrez, du ramanant des aornementz se feront a lequipolent des autres, Et pareillement sera lhuys de la gallerie semblable a celluy de desoubz. Le tiers ordre sera diminue du second la quatriesme partie, & mesmement chascun membre, excepte la haulteur des fenestres, qui seront en haulteur de double carreure, & plustost plus que moins, a cause que la haulteur samoin drift d'elle mesme. Le leuation ou couronnement du milieu sera en haulteur aussi diminue la quatriesme partie, ainsi comme dict est des autres. Larchitrabe, Frize, & Corniche, seront d'icelle altitude la quarte partie. Le fastige se fera semblable a ceulx des temples doricque, come dict est.

Et reste il encor aucuns autres mesures, on pourra re

tourner a la premiere Reigle.


Cy desoubz ne me-  
stray son plant ou platte  
forme, car la per-  
spective des gal-  
leries le de-  
monitre  
assez clere-  
ment.






## DE LA CORINTHE.

**A** Insy qu'autrefois i'ay dict, que vng architecte aura des colonnes a planter, mais si courtes que aulcunefois ne luy viendront a propos, si ce n'est doncques que l'instruction & science de l'architecte ne soit telle, quil se puisse ayder d'icelles. La composition de ceste face sera, que la largeur d'ung arc soit doublee en haulteur, Le front du pillier soit de la moictie de telle largeur, & desdictz pilliers en faire trois parties & demye, desquelles sera l'une d'icelles la grosseur d'une coulomme, L'entre coulomme d'une demye grosseur de coulomme, & aultant contiendront chacun pilastre avec leurs accures. La haulteur des pedestales sans le plinthe inferieure, soit aultant que la largeur du pilastre entier, & ses membres comme dict est du pedestal Corinthien. La haulteur des coulommnes avec bases & chapiteaux seront de vne mesures, Ce qui ne sera pourtant reprehensible ny faulx, a cause de leurs conionctions : & considerant ausy que icelles sont mises plus pour aornementz que pour soubstenement d'aulcunes pesanteurs. La haulteur de l'architrave frize & corniche, se fera de la quatriesme partie d'une longueur de coulomme, & au perpendicule des coulommnes sortiront les membres, excepte la couronne & seime, Lesquelles desiront & veullent trauffer sans corrompre, Car ainsy ont vsez les bons Antiques. Pareillement Bramât vne lumiere d'architecture en nostre siecle, ha fait vne telle maison en Rome a Belvedere. La largeur de l'huys sera de quatre grosseurs de coulomme, & double en haulteur. L'antipagmen te, supercile & la frize, seront faitz en telle maniere, que la corniche soubstenant l'arcure, serue dessus l'huys, & fenestres, desquelles la largeur sera de trois grosseurs de coulommnes, & leurs haulteurs de cinq. La deuxiesme ordre sera de la premiere diminuee la quatriesme partie, & icelle haulteur diuisee en six, l'une donnera on au podie, quatre pour les espaces des fenestres, & l'autre sera pour l'architrave frize & corniche : compartie de telle sorte comme lon trouuera cy apres en l'ordre Composite. Les largeurs des fenestres seront en perpendicule a celles d'embas, & la largeur d'icelles soit doublee en haulteur. De la reste des aornementz, tant des fenestres comme des nichetz se feront semblable comme est demonstre en la porte Ionique pareille a ceste presente. Laquelle oeuvre selon le Corinthien se fera plus amiable & avec plus d'enrichissement. La largeur des nichetz avec les pilastres, seront en perpendicule de dessus des coulommnes & icelle largeur compartie en sept, les cinq seront pour les nichetz, & les deux aultres pour les pilastres, Leurs haulteurs seront de trois largeurs, pource quilz s'elloignent fort de la veue, qui cause sembler plus court. Les petitz piliers de dessus la corniche sont pose pour decoration, & pareillement pour vtilite seruant les aulcuns de cheminees.









## DE LA CORINTHE.

**C**hofes faictes selon l'ufance cōmune, combien que avec leurs proportions & meſures ſoient formees, ſont bien priſees, & nō de grande admiratiō. Mais choles qui ne ſont vſees, ſi ainſi eſt quelles ſoient faictes par quelq̃ raiſon & bien proportionnees, ne ſeront ſeulement honnorees de la pluſgrand part, mais auſſy admirable. Parquoy ceſte preſente Edifice, lequel repreſente vng ſainct temple, qui ſe fera premieremēt d'ung ferme ruſtique comme l'on voit, & de telle haulteur quil appartiendra a la place & aſſiete, mais quil ne ſoit de moindre haulteur que l'altitude de deux hommes. Sur lequel plat ou pauement qu'on montera, commenceāt du degre A, eſtant dedens l'entree, en montant iuſque a B, la ſera lediſt plat ou pauemēt, auquel le temple aura vne large ambulation circuyant a l'entour du pauyement, lediſt temple ſera eſſeue depuis l'ambulation iuſques deſſus le podie encore de trois degrez. Et pour venir illec cōmencerā on au degrez C, & ira on iuſques ſur le plat D, Lequel ſera la haulteur du Podie, avec vne aultre appuyement qui ſera pluſhault que celle d'embas. Et depuis ce plain iuſques au pauement du temple ſeront ſes deuādiſtz trois degrez. La latitude de ceſte face ſe diuiſera en vingt & quatre egales parties, & l'une d'icelle ſera la groſſeur de la colonne. L'entrecolomnie du millieu, aura quatre parties: celles des coſtez ou les fenestres viendront, doibuent eſtre de trois pars: & la ou les Nichetz ſont donnera on a chaſcune vne & demye, & ainſy ſeront les vingt quatre diuiſiōs allouees. Les meſmes Stilobates ou Piedeſtales ſeruāt de Podies, ſe ſeront auſſy deſoubz les coulomnes, deſquelz Piedeſtales ſera leurs haulteurs ſans les Plinthes de deſoubz leurs Baſes, chaſcun de trois parties. La haulteur des coulomnes avec Baſes & Chapiteaux ſeront chaſcune de dix pars & demyes. L'architrabe, friſe, & corniche, ſeront dune quatrieſme partie de coulomme, cōme des aultres eſt faiſt mention, & les membres auſſy comparty en la meſme maniere. La largeur de la porte aura trois parties, & ſa haulteur ſept & demye, lequel vient a deux quarrez & demy: & cecy eſt faiſt, pour la diſtance, la quelle ſemble eſtre pluſcourte a la veue de ceulx qui ſont embas. La largeur des fenestres ſera dune partie & demye, mais leurs haulteurs oultre paſſerōt deux quarrez, pour cauſe du racourciſſement. La largeur des Nichetz ſoient d'une partie, & leurs haulteurs de trois latitudes, pour icelles raiſons. L'ordre qui contient le Faſtige, ſoit en haulteur comme le Piedeſtal de deſoubz, & la Corniche la quatrieſme partie de la meſme haulteur: & celle qui eſſeue le toict ſoit auſſy de ſemblable haulteur: lequel toict ſera de tant plus de demy rond, que la proieſture de la Corniche pourroit icelluy obſcurcir. Aux quattres coings du temple pour pluſgrande maniſcence & aornement, l'on pourra faire quatre obliſques que nous appellons eguilles: la haulteur deſquelles (ſans la Scime) ſeront egales a l'oeil au commencement du Faſtige, & les Scimes d'icel les egales au Faſtige: lequel l'on ſera ſelon la reigle mentionne au temple Dorique.









## DE LA CORINTHE.

**C**ombien que en nostre temps n'ont este fait nulz Arcqz triumphaulx de marbre ou de aultres pierres, Neantmoins quant quelque grand personaige fait aulcune entree en vne ville, lon luy fait en la plusbelle place de ladicte ville vne maniere d'arche triumphal, enrichie de diuerses aornementz de painctures. A ceste cause si lon veult faire quelque arche triumphal Corinthe, la proportion & mesure d'icelle sera, que la haulteur du iour soit de deux quarez & encore y adiouster la sixiesme partie. La grosseur des coulomnes seront chascune dune cinquieme partie de la largeur du iour. La haulteur des Piedestalz soient chascun de trois grosseurs de coulomnes, & la haulteur des coulomnes seront de dix pars & demy. L'epistile, Zophore, & Corniche, soient ensemble d'une quarte partie de la coulomme. Et depuis le desoubz de l'arcure iusques au desoubz de l'Architrabe, pendera vng rolleau en longueur de deux grosseurs de coulomme, le restroictissement de la part d'embas se tirera sur le centre de l'arcure. Des particuliers membres, comme Piedestal, Base, Chapiteau, Architrabe, Frize & Corniche, l'on tiendra la reigle preterite. La largeur de l'arcure avec les Pilastres, soient d'une demye coulomme: l'entrecoulomme soit dune colonne & demye. Les Nichetz seront de la largeur dune coulomme, & leurs haulteurs trois d'icelles, pour poser quelque figure esleuee. La haulteur du second ordre se fera en ceste forte, que la coulomme sans Piedestal iusques soubz la Corniche soit diuisee en trois parties, & l'une d'icelles sera la haulteur de ceste ordre, & de la mesme haulteur faire quatre partz, l'une sera la Corniche: de laquelle l'on peult tirer les diuisions hors du Chapiteau Doricque & rechanger ses membres. La haultur des Bases estant esleue sur la Corniche sont d'une grosseur de coulomme embas, & la raison est, que cest pourtant que la proiecture de la Corniche obscurit & emporte la reste du Base. Les Corniches sailleront comme en la figure veoir vous pouez. La haulteur du Façage se fera, selon vne de celles des reigles du Doricque. Et ceste presente figure est vne partie resembtant a vne qui est a Ancone, mais avec reuerence de tel Architecte, ay reduict les mesures en vne reigle generale, a celle fin qu'un chascun puisse legierement comprendre telles mesures.







## DE LA CORINTHE.

**A** Vltant qu'il m'a peu sembler au besoing, ay traicte de ceste Corinthe, combien que de plusieurs manieres daornementz se pourroit traicter, & des aornementz de cheminees est necessaire den cōmunicquer, a cause du cōtinuel besoing, de laquelle lon ne se peult bonnement passer. Non seulement en grandes chambres mais aussy en petites acoustument on a faire feu. Auquelles estroictes chambrettes, telles cheminees coustumieremēt volentiers se font en l'espesieur du mur, en laq̃lle lon pourroit vser de diuers aornementz corinthe. Mais qu'on la faict en ceste forme, la largeur dicelle se prendra selon la qualite du lieu, & le pilastre fera dune sixiesme partie dicelle ouuerture, ou aussy de lluietiesme partie, se monstrera loeuure plus gracieux & amyable. Lequel pilastre ou antipagmente (ensemble le supercile) sera diuise comme l'architrabe du corniche. La frize du dessus, pour cause de l'entretailleure, se fera la quatriesme partie plushaute que le supercile. La corniche avec les chapiteaux des mutiles tiendra autant que le supercile, & la mesme diuisee en trois, ainsi que dict est de la corniche corinthe. La largeur des mutiles ou ancones (ainsy que dire nous voulons) sera en la superieure partie comme le pilastre, mais au desoubz lesquelles viennent condescendre rasibu de louuerture, seront maindre dune quatriesme partie. Et desoubz icelles pendent deux fueilles ainsi que lon peult apparcevoir, desquelles mutiles seront leurs proiectures au bon vouloir des Architectz.

Quant a laornement de dessus de le faire ou  
non, n'est chose d'importance, Mesmes  
ceste inuention ne seruira seule-

ment a enrichir cheminees,  
mais aussy pour vng

huys, ou aultre

chose sen

peult

on seruir.

Le frontispi-

ce se monstrera

bien a le mestre des-


tus, quāt dicelle lon

voudra faire

quelque

huys.

..






## DE LA CORINTHE.

**E**N vne sale ou grande chambre appartient aussi vne chemine de grande formosite, proportionnee selon le lieu, laquelle duyt auoir spacieuse ouuerture: pourrant, veult on faire les Modiglions suffisant a telle saillie, occuperont deux places des costez: mais a tel subiect ientens de faire vne pilier plat, & deuant celluy vne ronde coulomme separee de laultre, en sorte que entre les deux coulommnes reste quelq̃ espace, & en ceste maniere prestera aysemēt & decoration. Et ainſy comme iay dist au commencement de ce Chapitre, que ceste mode Corinthe ha son origine dune pucelle, de la mesme ville de Corinthe: a icelle cause ie lay cy voulu constituer seruant de coulomme. La haulteur doncquez & latitude de l'ouuerture situee selon la place, sera l'altitudo d'icelle diuisee en neuf mesures, & lune d'icelle sera pour le chief de la fille, & le residu de la figure formee & bendee ainſy comme lon voit: Et de semblable proportion sera la platte coulomme ou pilier (ainſy que nommer le voulons) tousiours obseruant la reigle preterite. Sur la coulomme meēt on l'Architrabe Frise & Corniche, & la haulteur du tout sera d'une quatriesme longueur de coulomme, compartie comme de la deuandice reigle. Depuis la Corniche en fus selon la haulteur du lieu peult on icelle enrichir en ceste maniere cy demonstree. Et qui suspectionne que aulcunefois ceste inuention ne viendroit a propos pour seruir de quelque huys, ioindant les coulommnes contre le mur, & principalement pour portes ou huys dung iardin, ou places de triumphes, & telles semblables.



Cy fine l'ordre Corinthe, & commence le Composite.






## Du Composite & de ses aornementz.

### C H A P . I X .



Onobstant que Vitruue enseigne estre quatre manieres de colônes, asscauoir Doricque, Ionicque, Corinthe, & Thufcane, en donnant quasi de larchitectu-  
re les premiers & simples aornemêtz, Toutefois iay voulu aux quattres pre-  
dictes adiouster vne (quasy) cinquiesme meslee desdictes simplicitez, comme  
elmeu de lauctorite des œuures Romains, quelz se voyent a loeil. Et certaine-  
ment larchitecte prudent & inuentif appartient estre tel, que selon loportunité,  
pluseurstois de la predite simplese doit faire vne entremeslee, considerant la nature & subie-  
ction. Et dauantaige q̄ aucunesfois larchitecte (au iugemēt duquel suruiendront diuers subiectz)  
fera habandonne du tout des conseilz & aduis de Vitruue, lequel le tout ensemble n'a sceu com-  
prendre. A locasion dequoy larchitecte sera contrainct mettre la main a son propre aduis, pource  
quil me semble ledict Vitruue ne toucher de ceste composite, appelee des aucuns Latine, & des  
autres Italicque, De laquelle ordre paradventure les vielz Romains nont sceu surmonter les in-  
uentions des Grecz inucteurs de la doricque a limitation de l'homme, & du Ionicque a lexemple  
matronale, & le Corinthe prenant forme de pucelle: firent doncques de la Ionicque & de la Co-  
rinthe vne composition, metant les volutes du Ionicque sur lechine du chapiteau corinthe. Et  
de ceste presente se seruoient le plus aux Arches triump haulx que en autres choses, Et cecy fai-  
soient ilz par tresbon aduis, pource que eulx triump hāt de tous les pays desquelz estoit lorigine  
dicelles œuures, pouoient bien a leurs plaisirs, comme superieures diceulx, mesler ceste inuentiō:  
ainsy quilz ont faictz en la grāde fabricque du Colisee en Rome. Posant les trois ordres lune sur  
lautre, cōe doricque, ionicque, & corinthe, ont mis au dessus de toutes ceste composite, laquelle  
dunchascun est ainsy appelee, combien que aultant q̄ veoir lon en peult iceulx chapiteaux sont  
quali corinthe, mais vng tresbeau iugemēt (a mō aduis) fut, que en mediāt ceste ordre en la plus-  
haulte partie du Colisee, laquelle se loigne fort de la veue des regardans, par ainsy lon eut appar-  
ce, que sil eussent pose dessus icelle colonne, larchitrabe frize & corniche du Ionicque ou co-  
rinthe, que telle œuvre veu la grande distance se fut trouuee venant moult pourement, mais  
en posant les mutiles en la Frize, faisoient lœuvre riche, & aydoient a supporter la proiection de  
la couronne: dauantaige demonstroit encor cest autre effect, cestoit que larchitrabe frize & cor-  
niche sembloient estre vne corniche seule par les modiglions mis en la frize, ce qui la faisoit re-  
presenter de grande altitude obseruant sa proportion.


**L**A haulteur de ceste composite sera avec base & chapiteau de dix pars, la base sera dune demy  
grosseur dicelle colōne, laquelle on fera corinthe avecques les mesures donnees en icelle: &  
ceste mesme voit on encor a Larche de Titus & Vespasien en Rome. La colōne peult on caneller  
cōe celle de Ionicque, semblablement aucunesfois cōe celle de corinthe, selon le bon semblāt des  
architectz. Le chapiteau peult on faire avec la reigle corinthiēne. Les volutes vng petit plus grā  
de que les caulicules corinthe, lequel chapiteau lon voit a larche deuādict, & est cy au coste de-  
mōstre, larchitrabe frize & corniche, si elle est loingtaine de la veue, larchitrabe se fera dune su-  
perieure grosseur de la colōne. La frize ou les mutiles sont, sera de la mesme haulteur. La cimaise  
des mutiles sera de la fixiesme partie: la proiection desdictes mutiles soit cōe leurs haulteurs. L'al-  
titude de la courōne avec sa cimaise cōtient aultāt que larchitrabe: & icelle diuisee en deux, lune  
sera pour la courōne & l'autre la cimaise. La saillie dicelle sera cōe sa haulteur. Et est cecy pour  
vne reigle cōmune, cōbien que en la sequēte figure C, lon voit les mēbres & mesures de celle qui  
est au Colisee deuādict. Et veu que ceste colōne est la plus delicate de toutes les autres, appar-  
tient aussy dauoir son piedestal plus gracieulx & delectable que tous les autres, en ensuyuant la  
cōmune reigle: la haulteur dicelluy sera dune double largeur asscauoir son plat. & dicelle haulteur  
se ferōt huit pries egales, lune desquelles lon baillera pour la base, & aultāt pour la Scime. Et quāt  
aux particuliers mēbres, peult on prēdre lexēple icy au coste, lesquelz sont ensemble proportionē  
apres le piedestal du dessus d'arche triūphal. Et p ainsy la colōne estār de dix pries, ledict piedestal  
cōtiendra aussy dix pars. Et cōbien q̄ lon fait tous piedestals en ppendicule, toureffois en Athenes  
vne des plus anciēnes villes en ya daulcū diminuez en la prie superieure, ce q̄ ne veulx despriser.





## DE LA CORINTHE.

**P**ource q̄ les Antiques ont faiz z diuerſes meſſees, ne vculx celer des plus cōgneuz & mieulx entēdus, a fin que l'architect puiſſe choiſer lequel luy viēdra mieulx a propos. Le chapiteau cy deſoubz ſigne par T, eſt cōpoſe du Doricq, Ionicq, & Corinthe. L'abacus avec la Cimaife eſt doricque: lechine & les gueules ſont Ionicque: l'aſtragale avec les fueillages ſont corinthe. Pareil lemēt la Baſe, a cauſe des deux thores eſt doricque, mais par les .2. ſcories & aſtragale, & auſſy par l'amiable enrichiſſement ſe monſtre corinthe, leſquelles choſes ſont in Treſteuere en Rome. Le chapiteau X, & meſmemēt la Baſe ſont de .2. eſpeces doricque & corinthe. L'abacus du chapiteau (& auſſy la Baſe) eſt Doricq, mais icelle Baſe par la decoratiō de l'œuure ſe peult nōmer corinthe, & ſemblablemēt ſont les fueilles du chapiteau corinthe. Mais pource q̄ l'abacus eſt quarre, & tout le reſidu des membres rōdz, ſe fera au .4. coings deſoubz roſes, ainſy cōe lon voit figure. Le chapiteau A, avec le cheual mōſtrueux mis en place de caulicules peult on appeller cōpoſite, & eſt a la baſilica del foro tranſitorio. Les gueules de la colōne ſont diuerſes aux aultres, ainſy q̄ la deſoubz lon peult veoir aupres de A. La baſe X, eſt cōpoſite, eſtāt en Rome. Le chapiteau B, eſt entieremēt corinthe, & eſt au .3. colō. au coſte du colisee. Le chapiteau C, eſt cōpoſe de Ionicq & corinthe eſtāt a vng Arche triūphal en Verone. Le chapiteau D, eſt au meſme Arche, a daulcunes plattes colom. Le baſe Y, eſt cōpoſite, a cauſe de l'aſtragale eſtāt ſur le thore ſuperieure, & eſt Anticq en Rome.








## DE LA COMPOSITE.

**D**E ceste Composite lon ne trouue guieres d'edifices sinon Arches triumphaulx, & la plus grand part diceulx sont faictz de pieces prinſes d'aultres edifices ruynes, Neantmoins en ayant de ce donne vne reigle generale, par ainſy ne feray de telle eſpece aulcunes inuention d'edifices, car le prudent & bien aduiſe Architecſt ſe pourra ſelon ſon oportunité ayder des inuentions paſſees, en rechangeantz icelles au Composite. Mais pource que de chalcune ordre veulx touſiours demonſtrer deux ſortes de cheminees, l'une en dedens mur, & l'autre dehors. La preſente cheminee, laquelle appartient eſtre totalement en dedens mur, ſi on la veult meſtre en quelque petite place, ſa haulteur viendra iuſques aux eſpaules d'ung homme, a celle fin que la veue de la perſonne par le feu ne ſoit offence. Et ſa largeur ſera ſelon la qualite du lieu: la haulteur iuſques au deſoubz de l'Architrabe ſera diuiſe en quatre, & lune d'icelle ſera la largeur de l'Antipagmente ou Pilastre ouurez en la maniere comme le pourtraict eſt demonſtrant. Et en ceste Composite (a cauſe quelle eſt plus hardiement faicte que les aultres) iay bien voulu faire ce Pilastre fort diuers aux aultres, prenant touteſſois vne partie de ceste inuention d'une cheyre laquelle eſt a Saint Ian de latran en Rome. L'architrabe ſera d'une moictié de la largeur dudit Pilastre: ſa Cimaife de la fixieſme partie: la reſte ſe partira en ſept, trois donnera on a la premiere faſcie, & les quatre a la ſeconde. L'aſtragale ſe fera d'une demye partie prinſe entre les deux faſcies. La Frize pource quelle eſt entretaille, ſoit faicte d'une quatrieſme partie pluſ haulte que l'architrabe: la Cornice ſera ſemblable audit Architrabe & d'icelle en fera on ſept pars: les deux donnera on a la Cimaife de deſoubz la Couronne, aultres deux pour la Couronne, & vne pour la Cimaife d'icelle: & les deux reſtantes ſeront pour la Scime. Et la proſecture de tout ſoit comme ſa haulteur. Mais ſil aduient que le Pilastre ſoit de la fixieſme partie de ſa haulteur & tous les aultres membres diminuez a laduenant, par ainſy viendra elle pluſ delectable, & principalemēt quāt l'œuvre ſera de petitite forme. Les aornementz de deſſus la Corniche peult on faire ou laiſſer ſelon la vouldente de l'ouurier






## DE LA COMPOSITE.

**A** Vltres aornementz de cheminees  
 pourroit on faire de ceste Com-  
 posite, & en diuerfes formes, par ce  
 quelle est plus licentieufe que  
 les aultres manieres d'edi-  
 fier. Et pour rechan-  
 gement de laultre  
 formation, pourra lon  
 faire ceste presente avec ce-  
 ste reigle, Que apres estre la  
 haulteur de larchitrabe comme celle  
 dung homme de bonne stature, lon corri-  
 partira icelle haulteur en huit parties, & lune  
 sera pour la largeur des Modiglions ou Rolles, ain-  
 sy que nommer on les veult, Vitruue les appelle Prothiri-  
 des. La haulteur des piedestalz soient comme pour foy asseoir.  
 L'ordre de dessus lesdictz Modiglions, laquelle en elle mesme ne con-  
 tient aucune mesure ny reigle, sera deux parties & demyes de la largeur  
 des Modiglions. Et pource (comme iay dict) que ceste maniere va  
 hors de la reigle, seront les fueillaiges & aultres membres au  
 plaisir de larchitect. Lon pourroit ausly mettre sur les  
 Modiglions l'œuvre Doricque, Ionicque, ou aul-  
 cunefois la Corinthe, conseruant les Rei-  
 gles donnees au commencement. Et  
 a celle fin, que la gorge recep-  
 uant la fumee, puisse auoir  
 bonne ouuerture,  
 lon luy pour-  
 ra faire  
 ceste  
 petite or-  
 dre dessus, la-  
 quelle vient a luy  
 donner plus gorgiale  
 forme que les acoustumez  
 qui admortissent en  
 pyramide ou  
 poinctue.








## DE QUATRE MANIERES DE SIMMETRIES.




**G**rand iugemēt conuient auoir l'Architect, pour la diuersite des cōpositiōs & acernemētz des edifices, a cause q̄ aucunes places en l'architecture sont, auxquelles peultēt quasi estre donne certaines reigles: car le ne sont nulz accidētz qui entretiennēt hors de nostre opiniō. ains iournellement lon voit en plusieurs colōnes pour les diuerses positiōs se demōstrer en elle mesme diuerses mesures, selon le lieu ou elles sont posees. Ce rechangemēt donnēt on en lune des .4. manieres, situant la colōne quasi en insule sans aucū acōpaigmemēt d'assistance des costez ou de derriere, laq̄lle certainemēt supporte grād poix, & en leurs haulteurs ne excédēt la reigle predictē. l'exemple en est a la premiere colō. A. Mais l'adioinēt on contre le mur (toutesfois entieremēt ronde) duquel elle sera entretenue & aydee, se pourra esleuer ou eslonger plus haulte q̄ la predictē dune grosseur. l'exēple en est a la colō. B. Ou tirant icelle seullemēt. 2. tiers hors du mur, pourroit mōter encore vne grosseur ou plus que l'autre, a cause qu'on en voit de telles en aucū edifices mōter iusques a neuf grosseurs & demye, & principalemēt au Colisee de Rome en l'ordre Doricq; ainsi quil est demonstre en la colō. C. Mais encore est elle plus assistee quāt elle a le pilastre au costē, lequel porte toute la charge, doinnāt a l'architect cōmodite a faire la colōne plus tēdre, voire si delicate q̄ mieulx doibt estre tenue pour decoratiō que soubstenemēt. Encore peult on tirer la colonne hors du mur deux tiers, en mesāt a chascū costē vng demy pilier, lesquelz soubtiendrōt la colōne, en sorte que se pourra esleuer dune grosseur. Et en cest endroit l'archit. frise & corniche pourront sortir iusques sur la colōne ronde, & aussi ce ycelle fut platte, pource q̄ les demy piliers soubstiendrōt au costēz l'architrabe, &c. mais sur colōne seule, est vitiueus faire telle proiecture: car les costez seroient habandonne sans aucune assistance. l'exemple voit on en la colonne D. Mais les colōnes ayāt a supporter quelq̄ pesanteur sans aucunes aydes, & ayāt leurs raisonnables entrecolumnes, ne sera licentie d'aller hors de la determination: Voire ont elles ordre sur ordre a soubstenir, raison sera quelle soient de plus grande force, a fin que l'œuure soit plus durable. Et neantmoins que le piedestal soit grāde ayde a l'esleuemēt de la colōne, toutesfois si elles estoient longues assez, ie prilerioie laisser le piedestal au derrier, & cela au premier ordre. Mais du secōd & troiziesme ordre veu la raison des podies, aussi pour leleuatiō de la colōne, seruēt les piedestals: & cecy ont faictz les Romains aux Theatres & Amphiteatres. Et quāt aux positiōs des colō. sur colō. sont diuerses raisons. La premiere est q̄ la proiecture du piedestal de la colōne surmise, ne sortira que la grosseur de la colōne d'embas: & ceste raison seroit la plus raisonnable. mais pource que la secōde ordre fort samoindroit de la premiere, ne seruiroient plus nulles ordres dessus icelle, veu la grande diminuation suyuant. Autre raison sera & myeulx a propos, que le plat du piedestal doibt estre du moins en perpendicule au tronc de la colōne embas, & dessus icelluy asseoir la colonne diminuee la quarte partie a celle dembas, & par ainsi saccorde ceste reigle a celle de Vitru. au Theatre. l'exēple est dessus la colōne A. Et se on veult faire la colōne de moindre diminutiō, l'on pourra faire la colonne superieure en l'inférieure partie semblable a la grosseur du dessus, de celle de desoubz. Mais a ceste endroit viendra le plat du piedestal plus large q̄ le diametre de la colōne dembas: neantmoins celles du Theatre Marcelli sont tel effect. l'exēple voit on sur la colō. B. Et ces .iii. raisons sont assez approuables. Mais les Antiques faient en la grāde Fabricque du Colisee les colōnes Ionicque, Corinthie, & Composite, toutes dune mesme grosseur, & la Doricque soubz toutes les autres feirent plus grosse enuyron dune vingtiesme part. Et cecy (a mon semblant) faisoient par bon aduis: car si les colōnes furent estees la quatriesme partie diminuees lune sur l'autre, la dernière ce fut demōstre en telle grande Fabricque, veu la longue distāce, par trop petite. Lesquelles voit on maintenāt bien correspōdantz par la haulteur. l'exēple est dessus la colōne C. Et ainsi cōme la colōne de dessus D, moindre est que celle de desoubz la quatriesme partie, pource, a on a faire quelque moyenne edifice de trois ordres, ie priferoie qu'on diminuast chascune ordre la quatriesme partie, suyuant la doctrine de Vitru. Mais si la Fabricque est de fort grande haulteur, lon pourra vrier de lordre du Colisee, que l'ordre Doricque, Ionicq; & Corinthie, soit quasi dune haulteur, mais lordre du dessus croisse en haulteur enuyron la cinquieme part. Et cecy est comme iay dict, que pour la grande distance de la veue viendra a sembler icelle partie de haulteur egale aux autres ordres. Et combien que la demonstration de ces colonnes icy soient Doricque, neantmoins suyuent apres toutes manieres des coulommnes.





## DES PIERRES DVRES ET CVYTES.

**C**omme ayant traicté de tant & diuerſes aornementz de pierres, ceſt doncques bien raiſon que ie deſcaille comment on les pourra meſtre en oeuvre. Et principalement ayant a conioindre pierres dures avecques pierres cuytes. Leſquelles choſes acquirerent grande diligence & ſcience, pource que les pierres cuytes eſtantz comme chair en la fabricque, & les pierres naturelles ſemblable aux oz qui la ſouſtiennent. Leſquelles dictes deux choſes, ſi ainſy eſt qu'elles ne ſoyent enſemble bien liees & ſerrees, par long temps elles deſſauldront. Le fondement doncques aſſiz & ſitue en la maniere comme la place requerra, il eſt neceſſaire, que l'Architecte ingenieux ayt faiſt preparer a labourer toutes les pierres dures, & auſſy les cuytes bricques meſmement toutes autres matieres duiſables a la fabricque. Et ainſy ſur vng temps maſſonner & allier enſemble les pierres cuytes avec les dures. Et icelles pierres dures conuiendra entrer au mur auſſy auant, que ſi ny venoit point de mortier a l'entour, qu'on puiſſe iuger ſe pouoir tenir ſeulement au dict mur. Ce faiſant l'oeuvre paruiendra a longue duree. L'exemple de ce voit on cy deſſous en la figure A. Et illec demonſtrât comment l'on pourra faire les podies ſans nulz ſoulceys. Si l'on ha Piedeſtales avec colônes a poſer deſſus, la ou pierres dures & moles enſemble viennent, & quelles ne ſoient fort bien enſemble conioinctes, ainſy qu'en la figure B. L'on peult apparecevoir, telz ouuraiges ne feront de longue duree. Et ſi les coulomnes ſont de pluſieurs pieces, aucunes d'icelles aſſauoir les plus petites, ſera bon quelles entrent par fond en dedens mur, pour aſſurement ſouſſtenir les autres. Mais ſi icelles coulomnes ſont d'une piece, deſirent eſtre pour le moins la tierce partie enmurées, excepte les Baſes & Chapiteaux, qui entreront beaucoup plus dedens ledict mur, Et ſur tout quant aux Corniches & Couronnes faillantes fortes hors mur, conuiendra que la pierre non ouure, qui entre dedens ledict mur, ſoit de tel contrepoix, quelle emporte les ſaillies d'icelle Corniche, a celle fin que d'elles meſmes ſe ſupportent. Mais ſi par faulte ou grande deſpence de pierres ou marbres, l'on voudra touteſſois reueſtir quelque face ou eſtage, ſera doncques neceſſaire que l'Architecte auant quil commence hors terre a maſſonner, ayt faiſt preparation tant des pierres dures comme de toutes autres matieres a ce neceſſaires. Et ainſy maſſonnant & ſerrant leſdictes pierres dures avecques pierres cuytes, ie diz quil conuiendra a d'aucunes pieces entrer ſi auant au mur, qu'elles puiſſent ſouſſtenir les autres pieces, par force de conioction, ainſy que veoir pouez en la figure C. A celle fin que par longue duree de temps ne ſe diuertiffent lune de l'autre. Mais a l'intention que le mur deſdictes pierres cuytes ne ſ'enfonce, & en enfonçant briferoit les pierres dures qui ſont tendre de corpulence, par la charge de deſſus, ſeroit choſe conuenable dauoir bonnes pierres cuytes, bien quantonnes, bon mortier trempez, & entre les pierres peu dudit mortier, & fort bien ioindue lune ſur l'autre. Et deſſus toutes choſes ne veullent telz ouuraiges eſtre faiſtz par violence, ny auſſy en haſte paquer lung des poix ſur l'autre, mais les laiffiera on repoſer de pierre ſur pierre : car ſi on les veult haſtiuement maſſonner & poſer au deſſus grande peſanteur, par ainſy ſera certain, que le mur quelque peu effondrera, & les pierres (n'ayant puiſſance de regir la peſanteur) conuiendront rompre. Ains eſt il faiſt avec le temps, toutes choſes demeureront en leurs eſtatz. Neantmoins ie prieroie touſiours plus les ouuraiges, entierement lyees en dedens mur, que les adionctions ou veſtementz d'iceulx, Et principalement aux murs de dehors n'appartient point a mon aduis de les faire. Pource que en iceulx Edifices en tant petit nombre quilz ſoient eſtez faiſtz des Antiques, couuers de marbre & autres pierres fines, ſe voyent maintenant ſans eſcorce, la ou les maſſes ſeulement des pierres cuytes ſont demeurees. Mais les Edifices qui avecques les pierres dures & cuytes ſont enſemble conioinct & lyees, voit on au iourd'huy en leurs ſtatues. Nonobſtât veult on faire oeuvre de ceſte ſimplicité, me ſemble cecy la plus certaine voie. Combien que aucuns Architectes en diuerſes places d'Italie ont faiſt aucuns Fabricques de ſimples murs. Laiffant en iceulx la place des pierres dures. Et vng temps apres ont poſé dedens les aornementz, touteſſois a cauſe que telles choſes ne ſont bien lyees en dedens mur, mais quaſy attache, ſe voit on en pluſieurs lieux des pieces tumblees & iournellement decliner en ruynes.







## Des Portes ou huys de bois ou metal.

### C H A P . X .



Elon mon aduis, iay assez competement traite des aornementz dune chascune maniere d'edifices touchant aux pierres. Maintenant traicteray ie des portes ou huys qui fermeront lesdictes edifices soient de bois ou de metal, & demonstreray d'iceulx aulcunes figures. Des pendantz ou charnieres ne parleray plusauant, car en tout le monde lon en ha congnoissance. Neantmoins lesdictes charnieres desquelles les Antiques vsoient, ainisy que en la figure A, est demonstre, donnoient a ledifice maindre charge, & estoient fortz ayfibles a ouurir & a fermer, plus que ceulx qui se vsent par tous les pays selon la figure B, Mais si ces huys icy sont de bois ou de metal, leurs aornementz se feront en telle maniere, que aultant que les aornementz des pierres seront de grande fortitude, les aornementz des portes ou huys suyuront apres, a cel le fin quilz se ressemblent. Et le contraire, est l'aornement delicat, par ainisy fera on lhuys soit de bois ou de cuyure, icelluy resamblant. Laquelle election fera au vouloir & plaisir des architectz. Et pour donner aulcunes declarations de telz aornementz, vous verrez cy decoste cinq manieres diceulx, desquelz la plusgrand part sont prins hors des Antiques.







DES RAMES AVX HVYS , ET DE  
LEVRS ASSEMBLAIGES.

P Ource que les portes, huys, ou fueilletz (ainſy  
que nommer les voulons) ne ſont touſiours  
faites d'une piece, & que a celles de telle ſorte  
n'appartiennent nulz bois ne fers, mais  
faire lon peult les charnieres &  
pendentz de la meſme piece.  
Ceulx qui ſe font de bois, & apres  
couvertz de cuyure d'une raiſonnable  
eſpeſſeur, ſi elles ſont de tables ioinctes  
lune a laultre, combien quelles ſoient bien col-  
lees, & avecques cheuilles ou griffres ſoient bien gar-  
dees, neantmoins ceſt touſiours la nature du bois de loy re-  
tirer & de croiſtre, ſelon que le temps eſt ſeiche ou moiſte. Veult  
on doncques faire de telz huys couvertz de fer, de cuyure, ou d'autres  
metaulx, la pluſaſſeuree voie apparceoit on en la figure A, & B. Car les bois  
ne croiſſent, & ne ſe retirent iamais en la longueur, mais demeurent touſiours en  
leurs eſtatz : Deſquelz bois, la formoſite ou delicatete ſera au vouloir de larchitecte,  
ſelon la peſanteur que iceulx auront a porter. Pareillement peult on auſſy remplir  
les eſpaces du meſme bois. Et pource que tous les huys anticques en general  
ſont de forme quarree, excepte ceulx des portes d'une Ville ou Arche  
triumphal, leſquelz ſont voulezz : Neantmoins en noſtre temps  
ſaict on beaucoup des huys voulezz par aduerture pour pluſ-  
grande force, & que auſſy a d'aulcuns edifices vien-  
nent tresbien a propos. Et diceulx pour le moins  
ay voulu demonſtrer vne inuention, pour  
ce que en verite lon ne peult touſ-  
iours le tout comprendre. Car a  
larchitecte en aulcuns temps  
ſuruiennent telz acci-  
dentz que alhors  
il commence  
a ordon-  
ner.





# Des aornementz des painctures par dehors ET PAR DEDENS DES EDIFICES. CHAP. XI.



Celle fin, que ne laisse aucunes sortes d'aornementz, desquelles ie ne traicte quelque reigle, tant des painctures comme des aultres choses, Pource ie diz que a larchitecte n'appartient prendre soing seulement des aornementz des pierres ou marbres, mais aussi de l'œuvre du pinceau, pour decorer & enrichir les murs. Et luy est conuenable dicelles donner l'ordonnance, comme patron de tous ceulx qui seront mis en œuvre de la fabricque. Et cela pource que d'aucuns painctres ont estez vaillantz assez quant a la pratique : mais a la reste de si peu d'entendement, que iceulx vueillantz demonstrier leurs maniemetz des couleurs, ont aucunesfois separe & gaste quelque ordre, Par ce quilz nont heu la consideration de poser leurs painctures vne chascune selon leurs appartenances. A ceste cause ayant a decorer ou enrichir aucunes faces d'edifices avec le pinceau, il est certain, quelle n'appartient auoir ouuerture, en laquelle fainde estre ciel ou paysage, car icelles corrompent l'edifice. Et dune chose qui est formoseuse & solide, la transforment en vne transperfection non forte semblable a vne ruinee ou imparfaicte edifice. Pareillement ny appartiennent nulz personnaiges ny animaux colorees, si ce nestoit que lon ingeniaist aucunes fenestres ou huys ausquelz viendroient figures. Nonobstant si l'hoste de la maison ou le painctre desirent couleurs, a celle fin qu'on ne brise ou gaste l'œuvre, lon pourra controuuer quelque linge lattachant au mur, & en iceulx peindre ce qui leur plaira. Mesmement lon peult selon l'ulance des triumphes, pendre aux murs festons faictz de fueilles, fruietz, & de fleurs. Semblablement, escuz ou rarges & trophées, & telles semblables choses, qui sont remuantes ou mobiles. Mais si lon veult dung entendement ferme peindre les murs, on les peult finger de marbre, ou aultre pierre, y entretaillant dedens icelle ce q lon voudra. De metal peult on aussi enrichir aucuns nichetz de figures, par ainsy demeurera l'œuvre stable, & deheu dhonneur de tous ceulx cōnoissantz les vrayes entre les faulces. Surquoy de nostre aucteur sont icy alleguez beaucopz d'ouuriers excellentz (lesquelz pour la briefuete, ie outrepasse) qui n'ont vsez aux edifices sinon de couleurs blanches & noires, & neantmoins de telle gaillardise & valeur, quelles ont rendue a tous ingenieux & speculatifz la veue de grande admiration. Lon peult aussi a lentour des murs dune gallerie circuyant les iardins, auecques bonnes raisons enrichir de quelque ouuerture, & de couleurs y faire paysaiges, aers, maisons, figures, animaux, ou ce que bon semblera. Pareillement si lon ha chambres, sales, ou aultres places par terre, a decorer au dedens, en cest endroit est au painctre licentie, de pouoir sur les murs ou parois en maniere d'architecture peindre aucunes ouuertures, & de veoir outre selon que la place est. Car au dessus de la veue ne faict on sinon aer, ou voulfure, haultes montaignes, & de veoir le pignons ou dessus des habitations. Assied on aussi quelques figures au dessus de la veue, il conuient les veoir de desoubz, & non point le dessus du plant ou elles sont situees. Et si le painctre veult aucunesfois par lart de perspective faire sembler vne sale ou aultres esloignees stanties, il pourra faire a lencontre de lentree par aucunes ordres d'architecture icelle sembler estre loingtaine, plus que en effect elle ne fera. Et ce feist Baltazar (aussy docte en cest art, que nulz aultres de nostre temps) aornant vne sale de Augustin Ghysle Marchant de Rome, faingnit par ceste science aucunes coulomnes & aultres Architectures venantz a propos, en telle maniere, que le grand Pierre Arctyn, aussi iudicieux a la paincture comme en la Poesie, eust dict ne estre en dedens icelle mai son plus parfaicte paincture que icelle : Combien que la aussi est de l'œuvre de la main de Raphael durbin. Quant doncques les murs seront aornez, veult on alors enrichir les voulfures, on ensuyura les vestiges des Antiques, en faisant choses appelees grotesques, lesquelles, veu qu'on les peult faire a plaisir, y viennent bien dedens, comme sont fueilles, fleurs, animaux, oyseaulx

& aultres diuerſes fantafies . Lon faiſt auſſy aucuns linges ou drappeaux , tenuz de figures , ou a quelque aultres choſes atachez : Aufquelz ſans nulle reprehention , faire lon peult ce qu'on voudra, Mais ſil vient au plaifir du painctre de faire en ladiſte voulfure quelque figure comme viuante, conuient quil ſoit bien entendu & fort exercite en la perſpectiue , & iudicieux a choiſir choſes venantes a propos de la place, Et pluſtoſt choſes celeſtes vollantes que terriennes, les faiſant de tel artifice , que il ſcache faire les figures racourſir de telle ſorte (nonobſtant quelles ſoient monſtrueuſes) que eſtant arriere en ſa droicturiere diſtance, ſemblent eſtre viſz. Et combien que cecy ſoit a Lorette , Mantua , & en pluſieurs places d'Italie de pluſieurs ourriers bien faiſt , toutelſois ont les painctres trefentendu en noſtre temps fuyz & euitez telz reſcouriſſementz. Pource que veritablement neſt ſi gracieux, ny delectable a la veue de l'homme. Pourrant Raphael durbin, lequel touſiours appelleray Diuin , car ſon pareil en ceſt endroit (du ſurplus ie me tays ) na point heu , comme lon iuge de luy : quant il voulut enrichir ou decorer la gallerie dudict Auguſtin Ghyſe , ſe faindit aultant que poſſible fut les racourciſſementz . Car quant il paruint au deſſus de la voulfure, & que en icelle il voulut faire le conuiue des dieux, choſes celeſties & a propos de la voulfure , en tirant hors la rudeſſe des racourciſſementz , faindit vng linge de couleures celeſties atache aux feſtons , comme choſes mouuantes , & ſeit en icelluy ledict conuiue tant artificielement & decorablement, qu'on pouroit reputer ladiſte gallerie plus pour appareillement de quelque triumphe , que pour paincture perpetuele faiſte contre le mur. Par ainſi doncques larchitecte lequel ſans la perſpectiue ne peult & ne doit eſtre, ne ſouffrira, comme ſuperieur des ourriers qui en la fabricque beſongnent, quelque choſe eſtre faiſte ſans ſon conſeil & iugement.


## Des trauœures ou planchiers platz, ET DE LEVR AORNEMENTZ. CHAP. XII.




Ombien que en noz pays bas lon ne vſe d'enrichir ou decorer les volſures d'oeuvre de bois , Nonobſtant vne maiſon par dehors entierement faiſte ſelon la vielle maniere, ſeroit choſe mal ſeante, que les volſures ſeulement naccorderoient, mais auſſy, couches, bancqz &c . Et que plus eſt, ie diroie que le dedens dune chaſcune eſtage deburoit eſtre eſtoffee a lequipolent de lordre qui par dehors ſe demonſtre. Je diſ doncques , ſi le ciel ou planchier, eſt de grande haulteur, que les diuiſions appartiennent d'eſtre hardies, large d'eſpaces, & de bonne faillie : & les veult on aornier de painctures, conuient icelles eſtre auſſy ſolide, & formoſeuſe, conformant a la grandeur & eſloignement. Doibuent auſſy eſtre faiſtes de blanc & de noir, Et au milieu des champagnes meſt on vne roſe doree. Mais ſi on y veult vſer d'aucunes couleures, on fera le champ dazur comme trefpercee . Et ſeront leſdictes roſes lyez & ſceintes d'aucuns fueillages ou grotesques , a celle fin, qu'elle ne ſemble pendentes en l'air. Et que les Corniches qui enuyronnent les quarrez & aultres champs, ſoient touſiours bien dorees, ou de la meſme couleur eſtoffez . Ains ſil ſuruient par aucun accident, que le planchier ſoit de petite haulteur, lon fera l'oeuvre tant plus petite & delicate , pareillement les painctures . Et parainſy eſt bon a entendre, en meſtant cy enſuyuât deux figures, leſquelles touteſſois ſont vne, l'une de bois nud, & l'autre eſtoffee, Ainſy que cy apres le dict . Et ceſte ordre ay ie tenu au ciel de la grande librairie au palais de Venize, au temps du prince Andrea Griti, pource que ceſtuy ciel plusbas eſtoit que ſon appartenance, ſelon la longueur & largeur de la ſale. Parquoy ie la feiz de tant plus delicate oeuvre pour la raiſon deſſuſdictẽ.



LOEVVRE DE BOIS ESTANT EN LA LIBRAIRIE SVSDICTE.



Vecy l'ordonnance de l'estoffaige de la mesme.






VNE AVLTRE MANIERE DE PLANCIERS.












Les iardins sont aornementz des fabriques, a quoy seruent ces .4. figures.















ET pour la fin parle nostre aucteur des armes, cest a scauoir, comment & en quelle maniere icelles lon pourra ordonner, coulurer, & poser, selon lestat, maniere, & nature: par ainsi qu'on pourra apperceuoir en icelles, de quelle descente ou d'ou peullent estre uenus. Car (come il dict) nous ueons les Antiques auoir figurez les Princes en leurs Maistrez, les Euesques en Pontifical, les Capitaines armez: & ainsi ung chascun au mesme habbit come luy sera conuenient. Consequemēt il desire auoir mis les armes audeuant des ediffices ordonnees & coulurees d'animaulx, d'oyseaulx, &c, d'or, d'argent, celestieles, terrienne, feumeuse ou couleur noir: mais iamis metal sur metal, ne couleur sur couleur. Mais a cause que les Architectes des pays de pardecha ne sont acoustumez ordonner aucunes armes a leurs bons semblantz, nous passerons oultre, & en la place d'icelles poser figures de lectres, desquelles a l'architecte surueignent souuent fois a tailler, ou en autre maniere ascoir, comme sus portes, huys, frises, & autres tablettes, pour aucuns noms, tiltres, deuises, ou autres enseignementz mettre dedens icelles, a la uolente du patron de l'edifice, ou pour prendre cognoissance de palais, & autres certaines places ordonnees. L'architecte doncques n'ayant cognoissance de bonnes lectres, est contrainct a cercher de pres & de loing quelcun, luy neüllat escrire les susdictes lectres. Et combien que les ayt par figure, toutesfois par faulte de n'entendre leurs droictes rieres proportions, les fait corrompues, & deshonneur de l'œuvre & de ceulx qui lesdictes lectres ont pourtraict & designe. Pourrāt si elles sont par Lucas Patolus, Geofroy Tory, & Albert Durer figurees, lesquelles egalement ne se concordent: neantmoins iay bien uolu demonstrier les autres pour une comune reigle, enuyuant nostre aucteur Lequel (en laissant au derrier toutes superstitions) ayt d'une mesure conioinct & assemble les Coulomnes & Pie destalz: & par l'auctorite duquel quasi ie uouldroie dire, que icelles lectres ne doibuent estre faictes plus ne moins hautes, que la consequence de chascun ordre de coulomnes. Mais pour demonstrier par description la Symetrie, a celle fin de non trop m'aduanccer, neulx enuyuer Vitruue la ou il dict, Que la Coulomme Ionique estant de neuf parties en haulteur, & aussi que par la demonstration de diuers Auteurs, ont este trouuees ces prestantes formes de lectres au pays Ionique. Parquoy les lais je aussi de neuf mesures. Et si on les uoloit faire selon le Corinthie ou composite, de dix plus ou moins parties, ne diroient point mal. Car ainsi comme la Corinthie est la pluspart use pour sa gorgeuse & delicate forme, se font aussi cesdictes lectres le plus souuent de dix mesures. Mais sont elles faictes aupres la Dorique & Thuscane de sept ou huit diuisions, pour la deuantdictie raison ne me sambleroit a mespriser, considerant la materialite de l'œuvre. Pareillemēt selon la doctrine de Vitruue, se pourront rechanger les Symetries, ainsi que deuant suffisamēt est mentionne: car par aucunes causes semblent estre trop materielles & delicatues voire toutes faulces que en effect ne sont. Pour icelles doncques aisement former, se fera premieremēt ung quarre parfait en partissant icelluy selon la grosseur des lectres. Mais si elles sont de huit, neuf ou dix cōpartemens, plus ou moins, par ainsi sera tousiours le plus delie traict d'une troiziesme partie de la grosseur & le traict des trauers de la moictie dicelle. Les faillies ou bouts auront pour le moins autant de proiecture cōte la grosseur des dessusdictes, tirees au cōpas. Mais de combien que icelles entrent & sortent dudit quarre, & en quel lieu lon pourra ascor le compas a tirer mug rond, noir ou aux figures. On peult ou mettre sur la mesure du Q. La queue de Q. sestendra d'ung quarre & demy, & effond d'ung demy quarre: aucuns font quelque peu plus court. Je ne uelz soubstenir icelles lectres estre les meilleures, mais ung chascun prenne celles a son plaisir.



M

A

B

C

D

E

F

G

H

I

K

L

M N O

P Q R

S T V

X Y Z



7=







RARE 84-B  
FOLIO 28222  
NA  
2515  
548  
1542



